

2.
TARPU ULINKOOL
UNIVERSITAS TARPUENSIS
1633

PETRI RAMI

VEROMANDVI

Rhetoricæ Distinctiones

in Quintilianum,

A D

C A R O L V M L O T H A R I N G V M
Cardinalem.

*Oratio eiusdem de studiis philosophiae &
eloquentiae coniungendis.*



P A R I S I I S ,

Ex typographia Matthœi Dauidis, via amygdala-
lina, ad Veritatis insigne.

1550.

IMAGINARI
IN MOLY

P E T R I R A M I

V E R O M A N D V I

Rhetoricae Distinctiones

in Quintilianum,

C A R O L V M L O T H A R I N G V M

Cardinalēm,

Bene (Meccenas optime) Græcorū
illo proverbio præcipitur, Quām
quisque norit arte, in hac se exer-
ceat. Itaque tot annos, quot certè
non cæterorū more gloriari pla-
ceat, sed pro tenuissimo tanti temporis fructu
potius meminisse pudeat, in rhetoricis & diale-
ticis occupatus, an nō mēo quodam iure facere
videar, si me in meis studiis & carribus veleodem
argumento sæpius exerceam? Dialecticæ & rhe-
toricæ artes ab Aristotele, Cicerone, Quintilia-
no confusæ sunt, argumentum vnum est, mate-
ries vna: aduersus Aristotelēm & Ciceroñ an-
tea disputauī. Quid igitur est causæ, quamobrē
& Quintilianus in eandem quæstionem vocari
non possit? Aristotelis logica multis & virtuti-
bus carebat, & vitiis abundabat: multæ defini-
tiones, multæ partitiones argumentorum de-
fuerant: pro vna inuentionis arte decem locis

generalibus, caussis, effectis, subiectis, adiunctis, dissentaneis, comparationibus, nominibus, partibus, finitionibus, testimoniis comprehensa, infinitæ tenebrae in prædicabilibus, prædicamentis, enuntiationibus, abundantia propositionum, inuentione medii, duobus analyticis posterioribus, topicis octo confundebantur: in simplicibus syllogismis non pauciores aggregabantur, de coniunctis nil præcipiebatur, de methodo omnino tacebatur, vsus artis vniuersæ nullus nisi in clamosa de artis ipsius tam vanis præceptis, & sophistica altercatione tradebatur: nos arti virtutes quæ deerant, addidimus, vitia tam varia deteximus, &, vt spero, excidimus: vsum verum aperiimus, & rerū omnium communem demonstrauimus. Ergo dialecticum hoc certamen & artis & vsus vehementer acriterque certauimus. Secundum certamen nobis aduersus Ciceronem fuit. Aristotelicas enim inuentionis, dispositionisque, imo vero etiam elocutionis tenebras ferè omnes ad rhetorica translulerat, & ex diabús artibus vnam confuderat, eamque ita confusam ad litigiosam ciuilium caussarum formulam traduxerat. Laudes inuentionis & dispositionis jam antè docueramus. Lucem quæ elocutioni & actioni deerat, frater meus Audomarus Talæus definitis & distributis & illustratis rerum generibus adiecit & exposuit: tenebras igitur duntaxat hic excussum.

Ecce autem Aristotelis & Ciceronis dialecticam & rhetorica perturbationem Quintilianus sequitur, maiorem etiam ex seipso communiscitur, omnésque omnium artium, de quibus aliquid legerat, vel audierat, scholas, grammaticas, mathematicas, philosophicas, histricas, palæstricas, rhetoricas, in suas institutiones amplectitur. Nos rhetorica artem à cæteris artibus distinguimus, & de liberalibus artibus artem vnam, non omnium confusionem artium facimus: quæ sint eius propria separamus, inertes & inutiles argutias detrahimus, quæ desint indicamus, & Aristotelis tenebras sicut antè in Cicerone, sic nunc easdem propemodum in Quintiliano persequimur. Sed quoniam res eadem aduersus Aristotelem & Ciceronem antè tractata est, permulta & breuius & remissius agimus. Denique summa constantisq; rationis opernitimur, vt artium, in quibus adhuc studium operamque locauimus, vera & descriptio & exercitatio teneatur. Quot enim dies, imo quot annos & ætates fallacibus harum disciplinarum commentis miserè traduci arbitramur? Vtinam maximo iuuentutis meæ dispendio tantam miseriā expertus non essem. Vtinam doctores & rhetoricae & dialectice per nos admoniti de veritate rerum & utilitate potius aliquando cogitent, quam de iis, ad quæ semel audita, nunquam iudicata, simpliciter adhæserint, pertinac.

citer & obstinate decerent: fieret profecto ut succinatius artes instituta, facilius intelligenter, & vera usus aperta via, proptius exerceantur. Verumtamen per Deum immortalem (dicit aliquis) tantumne tibi tribuis, ut vita aut virtutes in his artibus vidisse tibi videaris, quae tantorum virorum aciem effagerint? Ego vero, Mecenatus, (te enim, tuique similes, id est candidos, nullaque peruersa opinione suffusos indices appello) si Aristotelem in philosophia, Ciceronem & Quintilianum in eloquentia nihil esse dicam, non satis sanus esse videar. Fuerit igitur Aristoteles ingenio variis in rebus ac scientiis tam acuto, quam possit Aristoteles quisquam cogitare: ingenii enim abundantiam quandam incredibilem in eo philosopho esse confiteor: Alexandri liberalitate fretus, ex omnium gentium inuentis & libris naturalem scientiam compilauerit, omnes philosophos non solum physicos, sed ethicos, politicos sua logica vexauerit: syllogismi in iudicando, methodi in collocando tantum interdum adhibuerit, quantum in summo philosopho requiri possit. Ciceroni dialectica ista & inueniendi, & disponendi ornamenta paria si voles, attribue, nihil detrahā: imo vero non solum libenter, sed etiam verè fortasse concedam, omnium hominū qui sunt, qui fuerunt, quique postea futuri sunt, eloquentissimū fuisse: & vix tantam vel elocutionis (quanta in eius li-

iii.

bris cernitur) & pronunciationis (quanta in historiis de eo memoratur) laudem sperari posse. De Quintiliano, faciam impudenter, si simile quicquam praedicem. Nam quanuis in eo sit civilis ad agendas caussas facultatis commonstrata quædam prudentia, quanuis exempla quædam utiliter collecta, attamen elocutionis, quæ summa laus eius esse possit, infinita est à Cicero-ne differētia. Nec enim in singulis verbis eadem est puritas, vel proprietas, vel elegantia. In coniunctis tanta est differētia, ut Cicero aureo quodam seculo, ferreo Quintilianus locutus esse videatur. Sed tamen ut temporibus illis diserti homines fuerunt, ita sane numeretur in disertis, qualis tamē fortasse nec esse possim, sivelim, imo vero ne velim quidem, si possim: tales inquam, Aristoteles, Cicero, Quintilianus, tantique fuerint, an tamen qui vna aut pluribus virtutibus excelluerint, protinus eos omnibus excellere est necesse? protinus omnibus in rebus necesse est non homines, sed deos existimare? De maximis aliorum generum virtutibus, ubi vel Apollines, vel Ioues per me licet fuerint, hoc tempore nil quaeritur: de dialecticis & rhetoricis præceptiōnibus nunc agitur, quas etiam ferè omnes ab illic magna sui nominis gloria vel repertas primū, vel certè collectas ex aliis concedo: quin adiungo, si in hisce præceptionibus & accuratè iudicandis, & ordine collocandis tot menses ad-

a. iiiii.

hibuissent, quot annos ipse consumpsi, equidem non dubito longè veriores & distinctiores artes nobis relicturos fuisse. At res ipsa demonstrat ab his doctoribus multa quidem cumulata esse, sed non satis aestimata, hīc syllogismū requiro: non satis apto ordine disposita, hīc methodum desidero. Confirmo hēc eadē nostris institutionibus & verē iudicata, & rectē esse collocata. Quid ita? quia ad tractandū dialecticum & rhetoriciū tum rationis, tum orationis usum, usum inquam, vel eum qui in libris Aristotelis, Ciceronis, Quintiliani perspicitur, dialecticæ & rhetoricae artes Aristotelis, Ciceronis, Quintiliani fallaces & cōfusae sunt: nostræ veraces & distinctæ, sicut & ars & exercitatio penitus explorata conuincit. Hoc primum, hoc medium, hoc summum contentionis meę firmamentum est. Non abutor testimoniis hominum, qui mentiri possunt, sed constantis & naturalis usus, quem tot annos maximo quotidiana exortationis labore persequor, usus inquam veritate & rerum experientia confirmo. Quamobrē Meccenas, hac pulcherrima rectissimæ voluntatis conscientia fatus, nunquam quid sentiam de his artibus, quas profitebor, scribere erubescam, ad te præsertim non tam mecenatem meum, quām cōmunem bonarum literarum fautorem, Galliæ nostræ diuinitus oblatum. Sed in vestibulo nimiū diu moramur, ad rhetoricas distinctiones accedamus.



PETRI RAMI
VEROMANDVI
Distinctiones Rhetoricae,
AD
CAROLVM LOTHARINGVM
Cardinalem.



Ermagnum cuipiā fortasse videbitur ac perdifficile, quod aduersus Quintilianū mihi propono atque instituo, ut oratorias eius institutiones non legitimè descriptas esse doceam: præsttim cū oratorem & præclare definire initio, & rerū definitione comprehensarum deinde partes eleganter diuidere, & tandem singularum proprietatem partium ac naturam diligenter ad extremum & accuratē persequi, omniāque singulari & consilio vidisse, & iudicio aestimasse, & methodo collocasse videatur. In hac autem disputatione Dialecticam, id est, verē & constanter differendi magistram (quantum mihi licebit) adhibeo, quō res acutius & prudentius aestimetur. Quamobrem Dialecticam

Etici omnes, id est, quicunque de hac questione vere & constanter iudicare possetis, adeste, animaduerte, vestram sapientiam excitate, repellite procul à vobis (si qui forte eius nodi affectus animos vestros occupare parauerint) repellite, inquam, amorem, odium, priuicidatam opinionem, leuitatem, inconstantiam, temeritatem, & quantū firma ratio convincet, quantum conclusio certa conficiet, quātum denique veritas ipsa (quae neque refelli, neque redargui posset) obtinebit, tātum animis aquis & libentibus accipite. Ponatur igitur primum Quintiliani definitio, quæ oratione à Quinto rem nobis suū explicauit, & ad hanc disputationem tilano. referantur omnia, quæ ex omnibus Institutionum Fabianarum partibus referri conueniet. Oratorem (ait) instituimus illum perfectum, qui esse nisi vir bonus non potest: ideoque non dicendi modo eximiam in eo facultatem, sed omnes animi virtutes exigimus. Hunc oratorem Quintilianus nobis instituit, quem postea libro duodecimo virum bonum bene dicēdi peritum similiter definit, & illas animi virtutes exponit, iustitiam, fortitudinem, temperantiam, prudentiam, item philosophiam totam, legum scientiam, & cognitionem historiarum, & alia pleraque laudum ornamenta. Quid igitur contra istam oratoris finitionem dici potest? Ego vero talenm oratoris definitionem vnam & inanem mihi videri confirmo: quamobrem? quia superuacanea & vitiosa cuiusvis artificis est definitio, quæ plus complectitur, quam est artis institutis comprehensum. Artifex enim ex artis ratione definien-

dus, ut quantum artis veris & propriis decretis inclusum sit, tantum tribuatur artifici, nihil præterea: definitio enim non solum est explicatio rei breuis & aperita, sed etiam rei quæ definitur ita propria, ut omnī, solique perpetuo consentiat. Grammaticus definitur peritus recte loquendi & scribendi: non definitur ^{1^o peritus loquendi, scribendi, & cantandi. Quid ita? quia de postremo nihil est in grammatica descriptum. Geometra non definitur peritus metiendi & medendi. Quid ita? quia nullum est in geometria preceptum, quod doceat mederi. Axioma igitur nostrum teneamus, & hoc syllogismi fundamentum ponatur: Artificis definitio vitiosa est, quæ plus complectitur, quam est artis finibus inclusum.}

tum hoc posito fundamento assumamus: At artificis oratory definitio nobis à Quintiliano tradita plus amplectitur, quam est artis finibus inclusum.

Rhetorica enim ars non est, quæ omnes animi virtutes explicet. De virtutibus moralibus, & de virtutibus intelligentiae ac mentis propriè permulta & eleganter Ethici philosophantur: de arithmeticā, geometriā, mathematicā: de reliquis tot tantarūque rerum scientiis, quæ sunt etiam virtutes animi, dicitur & sapientes homines suis separatim studiis, non rhetores commentantur. Concludo igitur,

Quare Fabiana ista oratoris definitio vitiosa est. At dicer Quintilianus, Philosophia moralis & illa ipsa virtutum doctrina rhetorum propria est, non phi-

Moralis
philosophie
non est par
Rhetorice
ut putauit
Quintilia
2266.

lojophorum: & nunc perfectus orator informatum, qui
nō potest existere, nisi omnes animi virtutes asseditus.
Quid si autem hoc & trunque alienum est & falsum?
nōnne summā complexionis & syllogismi tenebimus?
Agite igitur, quāramus quamobrem virtutum disciplina Rhetorica pars estimari possit. An quia & ciuitatem & ciues orator regere debeat, idcirco disciplina moralis rhetorica propria quadam pars erit? Sic
" sanè Quintiliano videtur, cum ait, Neque enim hoc
" concesserim, rationem recte honestaque Vitæ (ut qui-
" dam putauerunt) ad philosophos relegandam, cum
" vir ille ciuilis & publicarum priuatarumque rerum
" administrationi accommodatus, qui regere consiliis Ur-
" bes, fundare legibus, emēdere iudicis possit, non aliis
" sit profectio quam orator. Quare tametsi me fateor & su-
" rum quibusdam (quæ philosophorū libris continetur)
" tamen ea vere iurēq; contenderim esse operis nostri, pro-
" prięque ad artem oratoriam pertinere. Sic Quintilia-
" nus loquitur, & ita cogitat, ut oratoris nomine deum
" quandam mortale omni virtute scientiāq; perfectum
" & absolutū in republica principe appellat, non vnius
" artis hominē cogitet. At hoc tempore de una quadam
" arte & virtute, non de omnium artium & virtutum
" absolitione pricipiēdum Quintilianus sibi proposuit:
" & rhetorican de liberalibus artibus unam quadam
" esse putat, non verò communem esse artem rhetorican,
" idemque rhetorican esse, quod artem, quod scientiam,
" quod virtutem existimat. Nullam enim in his orato-
" riis libris ciuilis facultatis scientiam, nullam vita &

officiorum disciplinam, nullam denique istarum lau-
" dum (quas oratoria artis partes esse dicit) doctrinam
" in Rhetorica partibus descripsit. Quinque Rhetoricae
artis partes (de quibus postea dicam) Quintilianus
" esse iudicat, inventionem, dispositionem, elocutionem,
memoria, actionem: non plures, non pauciores esse pu-
" rat. Attamen in earum partium nulla philosophiam
" moralem (quam nunc rhetorica tribuit) collocat. Dia-
lectica vero huic homini vehementer defuit: à qua si
" didicisset in omni arte atque sciētia causas rerum &
" veras, & proprias, & primas exquirendas esse, lon-
" gè aliter oratorem definiendum censisset: longè aliter
de proprietate artium sibi philosophandum cognouis-
" set. Due sunt vniuersalē & generales homini dotes à
natura tributa. Ratio & Oratio: illius doctrina dia-
lectica est, huīus grammatica, & rhetorica. Diale-
ctica igitur generales humanae rationis vires in cogi-
tandis & disponendis rebus persequatur, grammati-
ca orationis puritatem in etymologia, syntaxis, & pro-
fodia ad recte loquendum, in orthographia etiam ad
recte scribendum interpretetur. Rhetorica orationis or-
natum tum in tropis & figuris, tum in actionis digni-
tate demostret: ab his deinde generalibus & vniuer-
satis velut instrumentis aliae artes sunt effectae: arithme-
tica in numeris, geometria in lineamentis, aliaq; in
rebus aliis: quæ si distincta propriis finibus & conclu-
sæ fuerint, certe quod grāmatica suo iure docebit, rhe-
torica non confundet, quod utraque perspicue descri-
pserit, dialectica non attinget: vñus earum coniunge-

Crāmati-
ca, Rheto-
rica, Dia-
lecticæ, dis-
tinctions.

tur, ut eadem sit oratio, qua & paré & ornate & sapienter & loquatur & dicat, & sentiat: præcepta tamen pure loquendi, & ornate dicendi, & sapienter sentiendi distinguentur, neque confundentur. Quare Quintilianus ex hac rerum dialectica distinctione rhetoricanam sic definire debuit, ut ei doctrinæ propositam propriæ & subiectam materiam à ceteris artium materiis distinctam & separatam primò comprehendenderet universam, deinde per partes didicatam declararet. Atque ut istam rationem concludam, syllogismos duos repeatam:

si philosophia moralis pars esset Rhetorica, in aliqua eius parte explicanda esset.

At id nusquam vel à Quintiliano sit, neque fieri omnino debet.

Non est igitur pars Rhetorica. Item,
Partes materia (que Rhetorica artis subiecta est)
duæ tantum sunt, elocutio & actio.

Rhetorica autem artis partes, sunt illius materie
partes, eisque omnino respondent.

Rhetorica igitur partes duæ tantum sunt, elocu-
tio & actio.

At Quintilianus instabit, ut facit, in eodem propo-
sito, & acrius videlicet urgebit, quod Rhetorica sit
one est vir- Virtus (id enim est libri secundi capite secundo) quod
us moralis, orator esse nisi vir bonus nemo posset (quod est duode-
ianus pu- cimi libri capite primo) & idcirco, opinor, virtutis
doctrinæ Rhetorica partē esse concludet. Quod virum
que tamen ad opinionem Quintiliani falsum videri

necessè est. Rhetorica enim virtus est quidem, sed men-
tis & intelligentia, ut omnes honeste & liberales ar-
tes, quas tamen qui habeant, possint improbissimi ha-
mines esse. Non est autem moralis virtus Rhetorica (re-
putat Quintilianus) ut qui ea prædictus sit, non bonus
esse non possit: quāuis id Quintiliano philosophi qui-
dam stoici (ut libro secundo significat) hisce consepta-
riū acutè colligere videatur. Consonare sibi in facien-
dis & non faciendis virtus est, nempe prudentia. Er-
go consonare sibi in dicendis & non dicendis virtus
erit. Item, si virtus est, cuius initium à natura datum
est, Rhetorica virtus erit: quia eius initium est à na-
tura. Verum hæc & traue tam acuta conclusio contor-
ta & fallax est. Nam neque prudētia moralis est vir-
tus, sed intelligentia & mentis est virtus: nec ideo Rhe-
torica virtus moralis erit: & absurdum est ea virtutes
morales putare, quorum initia à natura sint, quāsi non
magis sint initia vitiorum à natura, quam virtutum.
Quare Quintilianus philosophi isti decipiunt, & illi
fraudulentum sophisma pro certo syllogismo cōtexunt.
Pergit tamen Quintilianus, & a seipso affert, Dia-
lectica est virtus, ergo Rhetorica. Immutet totum
contra Quintilianus, & rectius concludet, Diale-
ctica non est moralis virtus, que virum bonum possit
efficere: quare neque Rhetorica. Tum addit, Orator ni-
hil potest in laudando, nisi honestorum ac turpium
peritus, in iudiciis, si iustitia sit ignarus, in turbuletis
populi minis, si timidus. Quid tum Quintiliane? An
qui nouit & honesta & iusta, honestus & iustus est?

*Quotus quisque heluo est & sicarius, qui quid honestum iustumq[ue] sit ignoret? si timidus sit orator in causa Milonis, non bene dicet (ais) Quid tum postea? An ideo Rhetorica erit fortitudo? Non poterit sane grammaticus recte loqui, si timeat, quia logas pro brevibus, aut breves pro longis timore conturbatus enuntiabitur & memoria conturbata barbarismos & solacismos faciet. Ergo grammatica virtus moralis est? quenam fuerit ista complexio? Aliud vero est alterum alteri esse necessarium, aliud eius esse partem & membrum. Dixi-
ris sane virtutem moralē vtilem, & ad omnium artium uiss accommodatam, non insciabor: artem ullam virtutem esse moralē nequaquam tamen concedam. Postremum etiā quisquilius ineptissimas Quintilianus colligit, quod in bestiis sit virtus, & in latronibus fortitudo: nec mirum ideo, si sit eloquentia moralis virtus. At Quintilianus iam non videtur Dialecticā expers & ignarus esse, sed uniuersa omnino philosophia, & eius maxime philosophia, que de virtute praecepit. De virtute morali loqueris Quintiliane, que bonos, & honestos, & laudabiles efficiat cultores sui, neque tamen consideras quid loquare, cum bestiis ea & latronibus attribuas. Meliora verba quoque imposterū, vel meliora potius consilia meditere. At enim non quiescit Quintilianus tamen: duodecimo libro ad istam questionē relabitur, & similes apinas aggregat. Mens mala Rhetorica vacare nō potest (ait) Item maxima pars Rhetorica est de bono & aequo, tum virtutis autoritas valet ad persuadendum. Quorum*

duo prima perridicula & perabsurda sunt: tertium illi simile est, Timidus orator non bene orabit. Veruntamen ista præteremus. Atque interea neque philosophiam moralē Rhetorica partem, neque ipsam Rhetorican omnino moralē virtutem esse teneamus, vt Quintilianus existimauit. Veniamus ad illud potius orator per (quod ait) à se nunc oratorem perfectum informari, scitus esse qui non posset esse nisi omnibus animi virtutibus in philosophia structus & ornatus: & idcirco moralis philosophia Rhetorica pars & in oratoris definitione virtus collocanda sit: hoc enim reliquum est quo videatur error hic uniuersus posse suscineri. Enim uero si perfecti oratoris nomine iam nunc informatur politicus ille vir, qui publicas & priuatas causas ciuium suorum tractare dicendo, qui virtutis auctoritate, quique orationis suavitate posset animos audientium impellere quo velit, qualem significat poeta,
*Tum pietate grauem, ac meritis si forte virum quem Confexere, silent, arrestisque auribus adstant:
Ille regit dictis animos, & pectora mulcat.
si, inquam, vir ille politicus omnibus artibus & virtutibus instructus à Quintiliano definitur: de tam multis artibus & virtutibus non una Rhetorica, sed omnes artes & virtutes (quoniam ex his constat politica illa facultas) exponenda describendaq[ue] essent Quintiliano, grammatica, rhetorica, dialectica, mathematica artes, philosophia tota. At Quintilianus id non fecit. Quare Quintilianus perfectum illum oratorem quem dicit non informat, sed (vt antè dixi) unam b.i.*

quandam de liberalibus disciplinis disciplinam cogitat: quam ut mirabiliore faciat, hoc modo conturbat, & seipsum hac ratiocinatione decipit. Nō potest perfectus orator esse sine philosophia: Ergo philosophia pars est rhetorica. Verum Quintilianum hīc ego dupliciter lapsūm esse arguo & reprehendo, & quod argumentatione captiosa tam imprudenter utatur. Neque enim verum est rhetorican sine philosophia morali exerceri, & quantum liceat, perfici non posse. Potest enim nondum percepta philosophia moralis scientia omnis elocutionis doctrina & troporum & figurarum, item omni actionis varietas & vocis & gestus propositis primum oratorum & poetarum exemplis explicari, ut ista dicendi laudes illic aperiantur & exponantur, & imitationis genere tum scribendo, tum dicendo exprimantur, atque omnino tandem quoquis exercitationis modo tractetur & exerceantur. Duæ autem illæ partes, elocutio & actio, rhetoricae artis partes sola veræ sunt, ut antea demonstravi: at qui sic est docendarum artium ordo, ut prima cum sit grammatica, sine reliquis intelligi & exerceri possit: secunda rhetorica sine grammatica non possit, sine ceteris omnibus autē possit. & ut grammaticus perfectus, id est prestans & excellens (perfectum enim omnino nihil est nec in natura, nec in arte, nec in ipsa, quibus tamen artes verè perfectiuntur) sed tamen, inquam, ut grammaticus perfectus dicendus est, qui omnes artis sua perfectiones est consecutus: sic orator plane perfectus habendus est, qui oratoria doctrina

consummatas & perfectas laudes adeptus est: alioqui si plures artes adiungas, fuerit sane hominis qui eas habeat, perfectio maior, singularum sane artium perfectio maior non erit, sed multarum perfectio artium coniuncta erit: perfectio & absolutio Arithmetica, non est geometria perfectio: artiu[m] enim perfectiones ex ipsis artibus assimilatae & metienda sunt, non extrinsecus ex alienis rebus accersenda. Quamobrem qui puer indicēdo & tropis & figuris variare orationem didicere rit & ornare: item & voce & gestu congruenti pronuntiare, is mihi perfectus orator erit, siquid perfectum in artibus existimandum est, quia cunctes artis oratoria perfectiones, id est, virtutes & laudes sit amplexus. Quod ipsum Quintilianus lib. 2. (sed quid agat imprudens) confirmat. Fine oratoris non esse persuadere ait, quia id in euentu fortuito (quem ars prestatre sua si non possit) positum sit, sed bene dicere, ut qui bene dixerit, quanvis non vincat, tamen finem sit affectus, quoniam id quod arte continetur, efficit. Nam, ait, & gubernator vult salua nauem in portum peruenire: si tamen tempestate fuerit abruptus, non ideo manus erit gubernator, dicetq[ue] notum illud, dum clauum rectum tencam. Hic Quintilianus & vere & magnificè sentit finem, id est, absolutam perfectionem rhetoricae non esse in rebus alienis & externis, sed in propria artis ipsis potestate. Quare non pudeat Quintilianū, si non à nobis, à Quintilio certè ipso de tanto errore admoneri. Dicit initio rhetorican perfectam sine philosophia non esse, dicit contraria postea rhetorican totam

in se se cōuersam esse, & eius finem atque perfectionem non extrinsecus aliunde pendere, sed ipsa arte omnino penitusque contineri. Quare concludamus sine philosophia Rhetorica perfici atque absolui posse. Attamen vide quātam licentiam, iuris nostri aequitas fiduciāq. nobis largiatur. Conuici tot argumentis fallaciā argumen-
tū, quo Quintilianus inductus est: concedo tamen ac permitto, ut id omne Verissimum & certissimum indicetur, si, quod vult Quintilianus, hinc effici pos-

Non quia philosophia necessaria est oratori, ideo pars esset rhetorica.

3

fit. Esto igitur non possit sine reliquis artibus ac virtutibus, non possit sine philosophia rhetorica usus perfectus & absolutus esse: an tamen consentaneum fuerit, Rhetorica partem statuere quicquid ei utile cōmodum ē fuerit? Dicatur de Dialectico, de Arithmeticō, quod de oratore Quintilianus dicit: non potest Dialecticus, non potest Arithmeticus sine rerum omnium sc̄iēta perfectus esse: quoniā omnium artium (quae ad humanitatem pertinent) usus cōmuni quodam vinculo connexus, & quasi cognatione coniunctus est: quis tamen credat Dialecticū & Arithmeticū recte definiiri, si dicatur vir bonus differendi vel numerādi peritus, dicaturq. omni sc̄iēta & virtute perfectus? Aliud est aliquid esse necessariū, aliud est esse propriū: non potest rectū domus sine fundamēto, sine terrā solo, sine Deo denique esse: ergo definiendo recto omnia ista comprehendam. Nimiris absurdus hic error fuerit. Quare Quintilianus & in argumēto, & in argumentatione labitur. At populus sic oratorem appellauit (in quies) fateor, inqua, & hanc definiendi oratoris tam

insitam inscitiam ab imperite plebecula insitia pro-
fectam concedo. Vocabatur ut in Gracia ēnt̄o primū, sic deinde in Italia oratoris, qui causas ciuiū ageret, quales aduocati sunt, qui nunc vocantur, & rhetorica rhetores, ut à grāmatica grāmatici dictisant: quia primū rhetorica precepit de tropis, de figuris, & de his rebus que rhetorica propriae essent, nullius præterea disciplinæ cōmunes. Deinde cū rhetores disciplinæ suæ adiungerent, quæ dialecticorū essent, inuenientem, dispositionē, memoriam, multa etiam alia confunderent, rhetoris nomen retentum est, tandem etiam sub eodem nomine & leges, & philosophia, & mathematicæ artes, & historia, & virtutes sunt ex-
aggeratae, & oratoris appellatus, qui hac omnia cum eloquentia iunxit. Verum in tradendis artibus non arbitror incertum vulgi errorem, sed certam veritatis legem sequendam esse. Constat igitur vitiosam & redundantem esse definitionem, qua nobis oratore Quintilianus informauit: constat philosophia moralē rhetorica p̄tē non esse, cū ad nullam rhetorica partem referatur: constat p̄tē non esse, quia in nulla materiæ subiecte parte continetur: constat stoicorum rationes falsas & captiosas esse: constat denique magnificam istam oratoris definitionem vanitatis plenam, veritatis inanem esse. Sed satis de oratoris definitio-
ne, in qua tametsi Quintilianus nec satis acutus es-
se, nec satis accurate differere videatur, acutior for-
tasse ac prudentior in partitione quæ sequitur, erit.

*Partitio
Quintili-
summa igitur operis Quintiliano ad exornandum
iani.
b. ij.*

oratore propositi partitio in duodecim libros includitur: Primus liber, ait, ea quae sunt ante officium rhetoris continebit. Secundo prima apud rhetorem elementa, & quae de ipsa rhetorica substantia queruntur, tractabimus. Quinque deinceps inuentioni: nam & huic dispositio subingitur. Quatuor elocutioni (in cuius partem memoria ac pronuntiatio veniunt) dabuntur. unus accedit in quo orator ipse informandus est, ut qui mores eius, quae in suscipiendo, discendi, agendo causis ratio, quod eloquentiae genus, quis agendi debeat esse finis, quae post finem studia, quantum nostra valebit insirmatas, differamus. Hac Quintiliani partitio est, in qua diligentiam Quintiliani magnam, ut in definitione quidem video. Omnia enim quae Greci, quae Latini de oratore tradiderunt, in unum locum collegit: iudicium autem requiro. Eius autem partitionis (exceptis pauculis quae in elocutionis & pronuntiationis doctrina traduntur) cetera partim falsa, partim inuenta, omnia certe sine dialectico lumine confusa & aliena esse confirmo. Primus liber (ait) continet ea quae sunt ante officium rhetoris. Sunt igitur, inquam, ista Rhetorica artis aliena, nec cum de rhetorica scribitur, in praceptis ponenda. Atque in his rebus alienis quatuor scholae formandi pueri, qui futurus sit orator, à Quintilio primo pueri no describuntur. Prima schola tribus primis capitibus: iti schola traditur, de prima pueri infantis educatione, quod ad auctora est à nutrices, parentes, sodales, pädagogos, literas Graecas & Latinas ad discendi & tempus, & locum, & modum, & ad initia denique mox cognoscendarum.

artium, de literarum ordine, describendo, legendendo, de memoria, de pronuntiatiōne attinet. In quibus licet res verae & notabiles sint, & ad primā puerilis institutionis scholam necessarie, cum tamen tam multi & Latini, & Greci scriptores de hac prima puerorum educatione & schola, tam multa literis prodiderint, quis unquam Rhetoricae institutionis hoc esse dixit? quis in Rhetoricas institutiones ut proprium aliquid inclusit? An non est ista & Senatoris, & Imperatoris, & iureconsulti tam propria doctrina, quam oratoris? Artes non solum Veris, sed etiam propriis institutionis informandas sunt: atque aliud est esse aliquid utilile, & verum, & laudabile, aliud esse alicuius artis proprium. Hec igitur schola Rhetorica artis nihil est, neque hic cogitatio perceptioque rerū, sed estimatio Quintiliano, sed syllogismus defuit: una enim conclusio ista omnia inducere poterat,

Quae artium praceptis includi debent, sunt earum propria:

Hec non sunt Rhetoricae propria:
Ne igitur hic includantur.

Neque porro hic recurramus, Non potest orator sine hac educatione puerili existere: causa ista remotior est, non potest fortasse esse medicus perfectus sine eadē disciplina, non audiā tamen in medicina de isto puerili ludo pricipientem medicum. Nquam proximis capitibus secunda schola grammaticus ludus aperitur, de qua primum idem sentiendum, quod de superiori: sint ista praecepta vera, sint utilia, sint oratori futuro ne-

secunda
schola qua
est gram-
maticae, &
rhetoricae
aliena,
b. iiiij.

cessaria, quid tum? An idcirco in oratoriis institutio-
nibus admiscenda? Nonne philosopho sunt eadem
Grammaticæ studia necessaria? Quis philosophum ta-
men ferret in philosophia de Grammaticorum artibus
balbutientem? Hac oratori quidem ignoranda non
sunt: non nego: Verum cognoscantur a Grammaticis,
et cognita adferantur ad Rhetoricā. syllogismus idē
erroris huius, qui prioris iudex esto. Non est ista schola
oratoris propria: ex oratoria igitur arte tollatur. Sed
tamen in ista schola vehementius offendit Quintili-
anus, quam in prima. Nec enim res alienas et impro-
prietas hic esse tantum dico, sed falsas et in arte et in
artis exercitatione. In Grammatica enim par ferè et
idem Quintilianus error est, atque in tota Rhetorica.

Gramma-
ticæ ritiosæ
partitio.

illii recte loquendi et scribendi scientiam, huic enarra-
tionem poetarū subiicit: in illa priore præcipit quædā,
sed confuse de accentu literarū et syllabarum, de ety-
mologia partiu orationis, de syntaxi, de orthographia:
qua Grammaticæ et omnes et sola partes sunt. Ad
posterioris partis necessitatem subiicit grammatico ad
poetas explicandum, historias, musicam, astrologiam,
philosophiam, rhetoricā ipsam denique, cuius tamen
famulam quandam grammaticam esse velit. Qui er-
ror ex imperitiæ plebecula (vt de oratore dictum est) er-
rone profectus est. Dicebatur enim quondam gramma-
ticæ vulgo, qui in literis pueros instituebat, et eis poe-
tas enarrabant, quo in munere adhibenda esset artium
præter grammaticam variarum cognitio. Nei tamen

Grammatici
nomē vnde.

vulgaris intelligebat doctore illum, qui in poetis expli-
candis varias artes diceret, esse quoque et historicum,
et musicum, et astrologum, et philosophum, et rhe-
toricæ peritum. non autem grammaticum tantum. ve-
rum Quintilianus in explicandis doctrinæ præceptis
acutius, quam vulgaris discernere ista debuit, et intel-
ligere historicen (quam dicit) nullam esse grammaticæ
partem. Nam si magister iste in declarando poeta non
exerceat solum artes et etymologiam, et syntaxis, et
prosodia, et orthographia ad pure et propriè loquen-
dum et scribendum, sed ethicam scientiæ adiungat
ad mores exponendum, astrologiam ad ortus et occasus
syderum declarandum, et ceteras artes ad res illis sub-
iectas artibus exprimendum, certè id faciet non gram-
maticæ, sed illarum disciplinarū facultate. Quid idem
Quintilianus lib. 2. capite 1. ferè ait, sed per impru-
dentiam multa conturbat. Quamobrem, vt de plerisque
aliis in his sex capitibus taceam, partitio ista grama-
ticæ in methodicen et historicen falsa est, non modo
ista tot capitum schola à rhetoricis institutionibus est
aliena. Ab hac tam eleganti, tamq; dialectica descri-
ptione grammaticæ artis transit Quintilianus ad eius Cræmaticæ
exercitationem de authoribus grammatico explican-
dis, de doctoris officio, de scriptione pueri. Solos autem
iubet poetas Homerum imprimis et Virgilium pueris
prælegendos esse: in quo vehementer ab eo dissentio.
Nam vt poetas ad excitadum variis affectibus tenerū
adhuc ingenium, ad prosodia (cum versuum legibus
syllabarum quantitas intelligatur) rationem legendos

Cræmaticæ
exercitatio
non recte
tradita.

in paruis tamen duntaxat & exiguis rebus existimò, sic ad oratoriam verborum copiam ac forensem & ciuilem elocutionis usum, ad proprietatem & elegantiam dictionis comparandum epistolas Ciceronis, quām elegias Ouidij, & fabulas Terentij, quae sermonis ferè quotidiani similes sunt, quām eclogas Virgilij malim. Alia siquidem est carminis, alia orationis elocutio.

Quare Atque hac occasione tam aliena institutionis factum Quintilia fortasse est, ut Quintiliani à Cicerone tam longè abesse dictio Ci set oratio, quoniam non imitandam Ciceronis & orationis dissi torum Ciceronis similium, sed poetarum dictionem sibi proposuerit. Labitur igitur hīc primum Quintilianus, quod poetas solos pueris proponat. Iubet deinde ut in docendo & explicando poeta, grammaticus prestat illa quidē minora methodices munera de pedum proprietate, de significatione verborum: sed maiore cura, inquit, tropos, figuræ verborum & sententiariū doceat:

Grāma- „principue vero illa infigat, que in œconomia virtus, tici offi „que in decoro rerū, quid persona cuique cōueniat, quid recte de „in sensibus laudandum, quid in verbis, ubi copia proscriptū, „babiliſ, ubi modus. Hec Quintilianus de grammatici officio, ubi videmus de duabus grammaticæ partibus (quas fecit) methodicen (qua sola propria eius artis tantum erat) pene contemni: historicen, qua grammaticæ nihil esset, unice commendari. Verum enim uero Quintiliane, differat hic magister, aliena ista quanvis excellentiora & rhetororum ac philosophicorum studiorum (quorū propria sunt) temporibus reseruet. Illa autem discipline sua proprie subiecta omni cura diligentiaq;

tractet & exerceat, hic commoretur, hic habitet, hoc Grammati-
mūnus suū omnibus modis exornet, explicit in dictio-^{ff.} nibus singulis primam & nativam significationem, tum phrasis & elocutionis rationē exemplis illustret, sit assiduus in exigendis literarum sonis, in accentus obseruatione, in orthographia, denique hoc ad se pertinere & totum & solum arbitretur, ut puerum sibi in disciplinam traditum recte & loqui & scribere doceat: de maioribus autē illis & altioribus quo tam vehementer hīc commendas, tantum duntaxat adhibeat, quantū sat erit ad hoc methodices, quod aspernaris, munus tuendum. ubi verè puer grāmatica partes omnes & loquendo & scribendo diligenter exercuerit, tum rhetoricas meditationes in tropis & figuris, philosophicas in reliquis laudibus adhibebit. Quod idem Quintilianus ipse postea ait, sed imprudens, ut alias tam sepe, seipsum conturbat: sic enim ait huins libri capite septimo, Hę serè sunt emendatè loquendi scribendi q^u partes, duas reliquias significatè & ornatè ducidi non quidē grāmaticis aufero, sed cum mibi officia rhetoris supersint, maiori operi reseruo. Et postea capite 1. li. 2. queritur à grāmaticis occupata esse rhetoriū officia. Grāmatica doctrina est bene loquendi & scribendi, ait Quintilianus: Attamen idem Quintilianus iubet ut grāmaticus doceat potius & ornatè ex tropis & figuris, & sapienter ac decorè ex consilio, iudicio, prudentiāque rerum, quām bene loqui & scribere. At ista grāmatica sola sunt, illa sunt rhetorica ac philosophia. Quare Quintilianus grāmatici doctoris pro-

pria officia isto modo non describit, sed aliena & im-
 propria valde imprudenter confundit: in superioris
 rerum ca- illius erroris laqueos rursus incidit. Postremum est in
 ram ca- abeo in exer- citatione grammaticæ artis, ut puer, ait Quinti-
 lorianus, poetarum sibi propositorum versus soluat, mox
 mutatis verbis interpretetur, tum paraphrasi audacius
 vertat, breuiet quedam & exornet, sententias propo-
 sitas subiectis rationibus explicet. Verum puer iste Ro-
 manus doctori grammatico commissus quomodo Ho-
 merum mutatis verbis explicabit, qui Homeri verba
 nisi prius à magistro sibi exposita intellecturus non
 fuerit? Neque enim Græco grammatico Romanus puer
 instituendus traditur, ut parta orationis facultate ad
 res alias & tatur. Unde enim parta illi infanti esset? sed
 ut sermonis facultatem audiendo, legendo, imitando
 consequatur. Et hic tertius exerminationis error par est
 secundo. ut enim grammatico præceptor in docendo,
 sic nunc eiusdem artis auditori in discendo, non gram-
 matica, sed rhetorica, sed confirmata iam plane & ar-
 tis & exerminationis munus imponit. Quamobrem Quintilianus in hac secunda schola longè grauius errat,
 quam in prima. Illic enim res alienas tradebat, hic etiā
 falsas conturbat: & in arte grāmatica, cuius partem
 historicen facit, & in artis exerminatione, tum quod so-
 los poetas legendos proponat, tum quod magistrum &
 discipulum isto modo instruat. Atque hic non dico in
 conquirendis & inueniēdis rebus Quintiliano curam
 defuisse, sed iudicij prudentiā, sed syllogismi rationem
 volementer in eo desidero. Reliquis primi libri tribus

capitibus duæ quædam nouæ scholæ Fabiano oratori
 describuntur: in quarum altera mathematicas artes
 cognoscat, in altera ad vocis & actionis dignitatem
 comedos, tragædos, & palæstritas magistros adhibeat.
De mathematicis autem magis, quam de grammaticis Tertia scho-
 mirum est in rhetorici artibus ita præcipi, quanquam la confusa
 nihil admodū Quintilianus præcipit, sed tamen finge de mathe-
 maticas artes singulariter à Quintiliano in- tibus, que
 strui, quis erudienda inuentutis hic ordo fuerit? Rhe- post rheto-
 torica in elocutionis & actionis ratione, dialectica in ricā docēde
 sunt, nō or-
 preceptis & inventionis & dispositionis omnibus ma- dine pre-
 thematicis artibus generalior & cōmuniōr est, & ab postero con-
 illis vniuersis scientiarum fontibus singulares hi ma- fundende.
 themati tanquam fontes fluxere. Cognitionis igitur
 ordine & rhetorica & dialectica præcedunt: mathe-
 matica omnia sequuntur: nec contrā pro Quintiliano dici
 potest, olim sic artes ipsas pueris traditas esse. Nam ma-
 thematicæ artes prime & diu artes sola fuerunt, nec
 alia poterant prius explicari, quæ nullæ essent. Quādū
 enim lingua fuit integra, grammatica nulla ferē fuit,
 & de rhetorica nihil admodum ante Isocratē fuerat
 institutum. Verum cùm res non doceri scilicet & percipi,
 sed facile & doceri & percipi repertis ad id artibus
 possint, non iam quid solitum sit aliquando fieri, sed
 quid tandem oporteat fieri, quærendum esse arbitror.
Precipiunt una quasi voce omnes omnium magistre-
rum scholæ, progressiones & institutiones artium ab
vniuersis ad singularia tendere. Quare grammati-
 cam, rhetorican, dialecticam præcedere: mathematicas

artes sequi necesse est. Hoc veritatis fundamētum, non cōsuetudinis abusum sequor. Ad comēdos, tragēdos, & palastritas à mathematicis nos mittit Quintiliānus, ut ille fortasse si Quintiliani tēpore viueremus: quia tum illi homines in propria & vocis & corporis formatione studiose elaborarunt, verū artis scriptoriū tragēdos, & palastritas non conuenienter. Artes enim rerum constantium & perpetuarum & immutabilium esse debent, & eas ideas tantum spectare, quas Plato gigni negat, & ait semper esse. Tempus autē nullum fuit, locus nullus fuit, nec erit, quo non pos̄it ornate dici, quo moderatio & vocis & gestus non pos̄it adhiberi. Tempora & loca multa fuerunt, erūntq; ubi comēdi, tragēdi, palastritae nulli fuerūt, nec erunt: Non igitur rectē facit Quintilianus qui arte perpetuā & immutabilem tam incertis magistris subiiciat. Atque in his omnibus scholis adhuc videmus, q̄ non absint rerū varietas & copia, sed q̄ syllogismi & iudicij ratio desit. Quicquid Quintilianus credidit oratori cōmodum fore, huc coniecit, non considerauit an esset propriū huius institutionis. Ad dialecticā omnes istas scholas referamus, eius iudicio permittamus: prima infantia schola rhetorica nihil est, secunda schola grāmatica est, & multis partibus falsa, nō solum rhetorica aliena est: tertia & quarta omnino item aliena, & varia ratione confusa. Quā igitur dialecticā sententiam expectemus, nisi vt a rhetoricis institutionibus scholas omnes istas non solum impropias, sed falsas, & ineptè confusas expelli atque exterminali iubeat? Atque hac de primo libro, secundo

„prima apud rhetorem elementa, & quae de ipsa rhetorica substantia queruntur, tractantur, ait Quintiliānus. At tria primum magna & ampla capita sunt pte variis de tempore pueri ad rhetore deducendi, de moribus & rebus à officiis praeceptoris, an optimo praeceptore protinus sit Quintiliānus, utendum, antequam de primis rhetorica exercitatiōnibus dicatur. Quae ipsa fac esse certa, vera, laudabilia, utilia: propria tamen huius artis & doctrina ad breuem & perspicuā docendi viam descripta quomodo faciemus? Quæreret Donatus in explicatiōne suae artis similia, quando puer è domestica disciplina ad grammaticum deducendus, quales grammatici mores esse debeant, an protinus optimo grāmatico sit Utendum: illa tam utiliter in grammatica & omni disciplina quererentur, quam queruntur hic in rhetorica. Sed non omnia qua vere, qua utiliter queri possunt, possunt etiam propriè & instituto conuenienter queri. Optimus praeceptor viam facilem & breuem in docendo sequi debet: cur igitur tot diuerticulis, tot mādrīs, tam spīnosā, tam tortuosa via initur? Hic diligentiam & curam maximam in accumulandis rebus agnosco, dialecticam in discernendis & astimandis nullam prorsus agnosco. Quatuor deinde capitibus de rhetorica exercitatione admodum confuse agitur, primo vt in narratiōne & fabula & argumenti & historiae confirmandi, refellendi, laudandi & vituperandi opere, pueri exerceantur. Hoc Quintiliani praeceptum non totum, sed ex parte reprehendo, quia nec loco, nec ordine positum sit. Ars primum describatur, tum demonstra-

Exercitatio artis nō dum describatur.

tur exercenda artis ratio in scribedo primum, tum etiam in dicendo. Sed tamen tota exercitationis disciplinam hoc loco traditam videamus. Quintilianus dederat antea grammaticis exercitationibus poetam solum: nunc historicum primo, oratorem deinde rhetoricos meditationibus attribuit: ut primo poetae, deinde historici, tandem oratores pueris praelegantur. De poetis antea iam dixi, & valde miror Quintiliano id in mentem venisse, ut formando oratori putaret aptiores poetas & historicos, quam oratores esse, cum poetarum & historicorum non dico res permultas licentius & mollius expressas, sed virtutes etiam plerasque vitandas oratori vel in his institutionibus Quintilianus moneat. An formabit oratorem melius Liuius aut Sallustius, quam Cicero? Ego vero ut poeta formando malim Virgilium atque Homerum, catervosq; poetas egregios & insignes, quam oratorem ullum: sic instituendo oratori Ciceronem longe historicis ac poetis omnibus praetulerim. An vero maior est oratoris in historicis, quam in oratoribus similitudo? Quapropter non solum alienum hoc totum caput, sed totius capitis consilium falsum iudico. Capita duo proxima sunt de divisione materialium, de dicendo, utilia: esto etiam vera. At nec loco, nec ordine sicut superiora duo posita. Dixit antea Quintilianus de Grammatica arte prius, de artis exercitatione postea: & in eo recte: prius enim descripta cognitaque sit ars, quam de artis exercitatione dicatur. Ars autem rhetorica descripta a Quintiliano nondum est. de eius igitur exercitatione importune isto loco pra-

Non historici potius oratori, q; oratores legendi.

RHETORICAE DISTINCT. 33

cipitur: & iudicium hic ut antea, syllogismumq; à Quintiliano requiro. Capita septem proxima questiones habent de edicendo, de officio discipuli, de modo docendi discipuli, de utilitate declamandi, an cognitione artis sit necessaria: quare in eruditis videantur vulgo ingeniosiores, quis modus sit in arte. Omnia sane ad institutam artis Rhetoricae descriptionem magis aliena, quam illa de quibus adhuc differuimus. Postremum de modo artis Valde videtur verum, quod Rhetorica praecpta catholica non sint, sed ad temporis, loci, personae, cause varietatem commutabilia. At si ars rhetorica suis partibus elocutione & actione comprehensa sit, falsissimum fuerit. Tam enim constans fere ars erit Rhetorica, quam arithmeticus, vel geometria, & eius praecpta de elocutione & actione tam stabilia, quam theoremata Euclidis de planite ac linea. Sed Quintilianus suas institutiones, id est, ad forenum & ciuilium causarum Romanas formulas, astrictam variarum artium confusionem, Rhetoricam arte vocat: nec mirum est de tali arte dici, praceptis eius non esse confidendum, cum tam fallacia, falsaque sint, non solum omnibus locis, temporibus, personis non conuenientia. Atque hæc libro primo, & libri secundi capitibus tredecim Quintilianus extra rhetorica substantia tradit esse. Reliqua capita octo libri secundi in partitione proœmio comprehensa dicit de substantia Rhetorica esse: & sane decimoquarto capite substantia Rhetorica quædam tractatur: ubi quod etymon sit Rhetorica, Quintilianus videtur explicare velle, non satis explicat tamen: non

Rhetorica
modus.

enim Rhetorices etymologiam omnino ostendit: qui dicit Latinè Rheticam vel oratoriam vel oratricem transferri, sed qui exponit quæ sit origo verbi, & unde deducta significatio. Partitur totam doctrinam sequentem tres in partes, ut dicatur de arte, artifice, opere, partitione ad modum ridicula & inepta. Definita enim prima parte, pars secunda tertiâque comprehen-
duntur. Non definitur in grammatica grammaticus, non grammatici opus: Non definitur in arithmeticâ, in geometria, arithmeticus, geometra, vel arithmeticus, vel geometra opus, quia ars demonstrat qualis artifex, quale ipsum artis opus esse debeat. Dialecticas igitur partiendi leges hic à Quintiliano requireo. Cetera autem omnia tam perplexa, tam prolixa de variis & controversiis Rheticæ definitionibus, quod Rheticæ utilis sit, quid sit ars, & cuiusmodi, quod ars plus quam natura conferat, an Rheticæ sit virtus, quæ sit eius materia, plane sunt eius doctoris, qui rudes & incipientes huins artis discipulos velit aut deterrere, aut frangere, aut fallere: quem doctorem tamen vehementer Quintilianus octauis libri initio & verè reprehendit: non eius qui via simplici & breui cupiat ead. Usus artis perducere, quem eodem loco commendauit. Quid autem attinet omnium hominum errores de rhetorica definitione, utilitate, arte veluti cumulare, falsa etiam conturbare, quod consummatis oratoribus plus ars, quam natura conferat? Distinguatur enim, ut decet, in hac perfecti oratoris questione, natura, ars, exercitatio, sive primas (ut oratorio secun-

do Cicero recte sentit) naturae, secundas exercitationi,
tertias et minimas arti tribuemus. Et hoc Quintilia-
ni sophisma falsum esse demonstrabimus: qui cum ait,
consummatis plus adferre doctrinam, quam naturam:
uno artis nomine et naturam, et artem, et exercita-
tionem comprehendat, cum tamen coparet in hac que-
stione naturam cum arte: hic dialectici salis ne mica
quidem illa est: nihil secernere: nihil sincerè ac con-
stanter estimare doctor iste potest: totus in dialecticis
sanè plumbens est. sunt autem valde ridicula Quintili-
ani argumenta in questione an rhetorica sit virtus:
sed de his initio quia dictum est, nihil necesse est iterum
dici. Postremo capite valde occupatus est Quintilius
in inuestiganda Rhetorica materia: et varia dis-
sidentia bac de re opinionum sententia: tandem cocludit
materia Rhetorices esse, res omnes quae ei ad dicendum
subiecta sunt. Quod sanè parum perspicue et plane di-
ctum est. Primum quod alia sit artis, artificis vero alia
materia. Ars rhetorica sibi proponit naturalis sus Mā R.
in bene dicentium exemplis obseruationem, quam pra-
ceptis explicet: artifex, id est, orator arte rhetorica in-
structus proponit sibi res omnes quae dicendo possunt ex-
ornari. Sic materia grammatici, res omnes quae sunt
ei subiecta ad recte loquendū aut scribendum: materia
dialecticī, omnes res ei subiecta ad recte differendum:
materia arithmeticī omnes res ei subiecta ad numerā-
dum: materia geometræ omnes res ei subiecta ad me-
tiendum. sed tamen non repugno, quin Etimōes ali-
quando dicatur materies artis, pro artificis materia.

Rhetorice principia, natura, ratiocinatio, exercitatio, & ratione recte, quae sunt Rhetoricae causas & principia distinctiones.

Hanc igitur materie licet non satis explicatae definitionem, tamen probo, & ad Vera Rhetorica proprias institutiones accipio. Duobus enim primis oratoriarum institutionum libris ex tam multis scholis domestica, grammatica, mathematica, comedorum, tragædorum, palæstrarum, rhetorum tandem, hæc duo sola sunt, quæ in Vera Rhetorica laudari & probari possunt. Rhetorica est bene dicendi scientia: materia oratoris est res quævis ad dicendum ei subiecta. Cetera vero tam multa, tametsi locis aliquot Vera Utilitasque, tamen omnia in rhetorica artis accurata descriptione aut aliena omnino, aut certè præpostera sunt. De duobus primis Quintilianii libris adhuc est disputatum, ubi grammatica imprimis confusa est. Quinque proximis de Dialectica agitur, de inuentione quippe & dispositione. Ergo de his partibus deinceps, & de capitibus etiā singulis est differendum. Primo itaque capite libri tertij accumulat Quintilianus unum in locum omnium huius artis magistrorum & Græcorum, & Latinorum inuenta, & magistros ipsos nominatim recenset, curiosa planè, sed inutili diligentia. Nihil enim catalogus iste tot nominum doctrine Rhetorica ostendit, non magis quam in grammatica, si isto vanitatis studio omnes grammaticæ scriptores nominatim persequare: nihil in qua catalogus iste doctrinæ ostendit. In opia iuvenia, ratiocinatio, & syllogismi, copia vanitatis huius peperit. Tale utilitas, ars, caput proximum est, quo tamen loco non satis acutè exercitatio.

Quintilianus Rhetorica causas & principia distinctiones. Quid enim an Plato & Cicero errarunt? an Quintilianus ipse libri huīus capite quinto errauit, cūm docet tribus rebus Rhetoricam perfici atque absolvi, natura, arte, exercitatione? quid utilitas habet à tribus illis causis & principiis diuersum? nihil enim est frustra & causa. Rethorica pars primi & utilitas.

Quid utilitas vel à natura propositum, vel ab arte descriptum, vel ab exercitatione tractatum. Hæc dialectica partiendi elegantia est, quod tribus membris debeas explicare, uno conficto quatuor amplificare. Tertio capite dividitur rhetorica in quinque partes, inuentionem, dispositionem, elocutionem, memoriam, & actionem. In qua partitione nihil iam miror Quintilianum dialecticam tam nudum esse, qui dialecticam partitio vi ipsam cum rhetorica hic confusam non potuerit agnoscere, cūm dialectica sint, inuentio, dispositio, memoria: Rhetorica tantum elocutio & actio. Ratio vero Rethoricae natura partis /

Quintilianus quare quinque sint istæ rhetoricae partes ex uno & eodem erroris fonte defluxit, unde superioris confusionis causa fluxerunt: Non potest orator (ait Quintilianus) perfectus esse sine virtute, sine grammatica, sine mathematicis artibus, sine philosophia. Oratoris igitur natura est ex omnibus his rebus definita: Non potest (ait idem) grammaticus absolutus esse sine musica, astrologia, philosophia, rhetorica, historia. Grammatica igitur partes duas sunt, methodice & historice: ita nunc demū Quintilianus ratiocinatur: non potest rhetorica constare, nisi res primò inueniatur, deinde disponatur, sum exornetur, postremò memoria mandetur, & pronuntietur. Quinque sunt igitur hæc partes c. iij.

rhetoricae. Causa ista sine qua (ut quidam nominant) Quintilianum sape fecellit et induxit. At ego longe aliter de proprietate et veris artium partibus disputandum (ut iam dixi) et ratiocinandum duco. Artium materias distinguendas et separandas esse iudico. Dialetica mentis et rationis tota est, rhetorica et grammatica sermonis et orationis: Dialetica igitur inuentio-
 nis, dispositionis, memorie (quia metis omnino sunt), et intus sine ullo lingue aut orationis auxilio exerceri possunt, ut in plerisque mutis, ut in multis populis, qui sine sermone ullo vivunt) artes proprias habebit. Grammatica tribuetur ad bene loquendum atque scribendum, in interpretatione etymologia, in coniunctione syntaxis, in syllabarum breuium et longarum pronunciatione prosodia, in recta scribendi ratione orthographia. Rhetorica igitur ex sermonis et orationis cultura partes due sola propria relinquuntur, eloctio et actio: proprium præterea ac suum rhetorica nihil habebit. Neque hic Quintiliani modo dispuo ex ea causa, sine qua res esse non potest: excusa propria et legitima dispuo,

Tot partes in unaquaque arte sunt instituenda non plures, quot sunt in propria eius et naturali materia:

In materia artis dialecticae, id est naturali rationis via, vis est inuenienda, disponendi, et recordandi:

Tot igitur partes sunt in ea explicanda.

Item,

In materia rhetoricae subiecta vis eloquendi et pronuntiandi sola continetur:

Tot igitur partes in ea sunt explicanda.

Item,

Partes alterius artis non sunt in arte rhetorica permiscenda:

Inuentio, dispositio, memoria alterius discipline partes sunt, nempe dialecticae:

Non sunt igitur in rhetorica permiscenda.

Partes autem illas esse dialecticae Quintilianus suo nobis etiam testimonio locis aliis demonstrat: libri enim quinti capite postremo de dialecticis sic ait, Naque illi homines docti et inter doctos verum querentes minutius ac scrupulosius scrutantur omnia, et ad liquidum confessumque perducunt, ut qui sibi inueniendi et iudicandi vendicent partes, quarum alteram ratione, alteram opinione vocant. Hic Quintilianus dicit a dialecticis et inventionem et iudicium (quod magnam dispositionis in singulorum argumentorum conclusionibus et syllogismis partem continet) vendicari: Et de memoria ait tandem libri undecimi capite secundo, si quid artis habeat, id totum dispositionis et ordinis esse. Dicat igitur a dialecticis ista quoque parte posse merito vendicari: quia in dialectica vere descripta ordinis et dispositionis ex syllogismi et methodi preceptis doctrina verissima doceatur. Refellit hoc capite Quintilianus varias opiniones de numero harum quinque partium, sed ita plerunque, ut ipse multo grauius labatur, quam hi quorum lapsus reprehendit. nullam Quidam adiiciebant iudicium tanquam ab inventione putat esse iudicij dispositione diuersum. Hos reprehendit Quintilius etramam. c. iiiij.

nus rectè: Verùm argumēto non recto, sed valde veri iudicij ignaro atque imperito. Iudicium Quintilianis inventioni, dispositioni, elocutioni, pronuntiationi sc̄ commissum arbitratur, vt ab his separari doctrina & praecepta non posse: nec omnino intelligit ullam esse iudicij doctrinam, sed (vt postea in extremo volumine sexto est) existimat non magis arte tradi posse, quām gustum vel odorem. Ita se Quintilianus dialectica valde ignarum profitetur, qui de iudicandi parte, de tot syllogismorum & simplicium & coniunctorum modis neque quidquam vel audierit, vel legerit, qui non meminerit à Cicerone de stoicis ita dici, quod in altera dialectica parte duntaxat elaboravit, inueniendi artes non attigerint, iudicandi vias diligenter persecuti sint. Neque verò audiendum quod existimari forsitan posse, aliud esse rhetoricum, aliud dialecticum iudicium: et nam enim est homini iudicium ad quidvis astimandum, an id vere expediat, conueniat, deceat, an tale omnino sit, quale esse videatur, quod syllogismo solo prestatur atque efficitur: nec aliud est quidquam verum vel falsum regula syllogismi perspecti, quām vere an falso dicatur quodcūque in controvēsiā & contentionem adducitur. Hic quid dicam iudicij doctrinā, syllogismi disciplinam Quintiliano desuisse, cū ipse neget ullam omnino esse posse? Quid pluribus argumentis iam contendam in dialecticis rudem Quintilianum esse? Non enim solum constetur quod arguo, sed profitetur. A dialecticis ait duas artes vendicari, alteram inueniendi, alteram

iudicandi: ait quidem, sed non credit, quia affirmat iudicij artem nullam esse. Pergamus igitur, & contra rhetorem hunc, iudicij arte & doctrina carentem, iudicij tamen arte utamur. Sententiam eius reliquis de rebus ad dialectici iudicij normam referamus. Deinde verò mirabiliter confusa est institutio: nec Aristotelica sophismata de modalibus sunt tantis ineptiis absurdiora. Quarto, quinto, sexto, decimo, undecimo capitulo agitur de oratoris materia, & eius diuisione.

Hanc igitur primū de questione contentionem experdiamus. Tria causarum genera à Quintiliano pri-

De questio-
num & sta-
tuum gene-
ribus.

mūm constituantur, demonstratio, deliberatio, iudicium: eiusque partitionis Aristoteles author adhibetur, is scilicet, qui omnium in hac arte tenebrarum inuentor & author propemodum solus fuit, qui dialecticam inventionem primus in rhetorica arte conturbauit, qui questiones tam inepte, tamq; ridiculè (quām in Aristotelicis animaduersionibus docuimus atque hic repetemus) distribuit. Ad partitionem hanc pri-

Aristoteles
author te-
nebrarum.

Non solum tria sunt ge-
nera causa-
rū, & quo-
modo falsus
sit Quinti-
lianus.

quod Quintilianus vidit, cū ait, Verūm & tum leuiter est tentatum, cū apud Grecos quosdam, tum apud Ciceronem in libris de oratore, & nunc maximo nostrorum temporum authore, prop̄ impulsū, vt non modo plura hęc genera, sed etiam pene innumerabilia videantur. Nam si laudandi ac vituperati officium in parte tertia ponimus, in quo genere versari videbi-
mur, cū querimur, consolamur, mitigamus, concita-

» mus, terremus, confirmamus, precipimus, obscure dicta
 » interpretamur, narramus, deprecamur, gratias agi-
 » mus, gratulamur, obiurgamus, maledicimus, descri-
 » bimus, mandamus, renuntiamus, optamus, opinamur,
 » & plurima, ut mihi in illa veteri persuasione perma-
 » nenti velut petenda sit venia, quærendumque quo mo-
 » ti priores rem tam latè fusam, tam breuiter astrinxer-
 » rent. Hæc ille recitat ad pomparam quandam, ut rem
 » difficile soluisse videatur: neque videtur argumenti
 » vim (quo contra se vtitur) intellectuisse, sed captiosa &
 » fallaci solutione cōtentus seipsum capit & fefellit. sic
 » autem Quintilianus sibi videtur huic occurrere obie-
 » ctioni: Mibi cuncta rimanti (ait) talis quædam ra-
 » tio succurrit, quod omne oratoris officium aut in iudi-
 » ciis est, aut extra iudicia. Esto: quid tum? Eorum de
 » quibus iudicio queritur (ait) manifestum genus est.
 » Concedo: quid deinde? Ea que ad iudicē non veniunt
 » (ait) aut præteritum habent tempus, aut futurum:
 » quamobrem, inquam? an nulla, que ad iudicem foren-
 » sem non veniat, de re præsenti questio, nulla disputa-
 » tio, nulla dicendi occasio potest existere? Cūm de hac
 » syntaxis, de hoc quadrato, de hac stella, de hoc vulne-
 » re, de hac rhetorica, de rebus huiusmodi innumerabi-
 » libus queritur, de præterita re aut futura queritur po-
 » tius, quam de præsenti? falsum igitur hoc est. Sed ta-
 » men perge. Præterita (inquit) laudamus aut vitupe-
 » ramus, de futuris deliberamus: An non etiā de præ-
 » teritis & futuris & querendi, & consolandi, & mi-
 » tigandi, & concitandi, & terrendi, & alia innume-

rabilia agendi offerri potest occasio? Nihil h̄ic igitur
 Quintilianus concludit, nihil soluit, sed seipsum con-
 fundit. At euidens approbatio altera superiori addi-
 tur. Omnia de quibus dicendum est (ait) aut certa sint
 necesse est, aut dubia. Quid tum, Quintiliane? quid
 » hac diuisione efficies? Certa ut cuique est, animus lau-
 » dat (ait) aut culpat. Atqui multa & incerta lauda-
 » mus & vituperamus, ut Cicero & Cæsar in Catone:
 » & multa certa tractamus, neque laudando, neque vi-
 » tuperando, ut rerum artibus & liberalibus, & illi-
 » liberalibus comprehensarum incomprehensibilia penè
 » negotia: Pars igitur huius partitionis est falsa. Ex
 » dubiis (ait) partim deliberatur, partim lite contendi-
 » tur: Ego vero h̄ic idem requiro, quod in membro pro-
 » ximo, Dubia sint ignorantia, res infinita artibus com-
 » prehensa: an de iis h̄ic ignarus ex rhetoriciis Quintili-
 » an præceptis senatus aut populi deliberationem aut
 » forense iudicium informare, non doctum & peritum
 » hominem adhibere & interrogare debebit? O leuem
 » & inertem confirmationem! Hac scilicet subtilitate
 » Quintilianus argumenta sibi obiecta refutauit? hoc
 » modo suorum temporū authori maximo restitit? At-
 » qui non est hoc falsa argumenta veris arguments re-
 » sellere, sed falsis sophismatis vera potius confirmare.
 » Addit Quintilianus ad extrellum velut solutionem
 » quandam aliam. Ceteras illas species in hæc tria ge-
 » nera recidere: sed insolenter admodum & artis scri-
 » ptori indecenter. Authoritate siquidem sua nobis im-
 » perare vult, quod nulla ratione vera probare queat.

Dialecticam partiendi prudentiam hic requiro: non iam dico Quintilianum tantum sine arte iudicij labi, sed sine illa inuentionis intelligentia vagari: partitiones quæstionum similis ac longè maioris vanitatis sequuntur totis capitibus, quinto, sexto, undecimo, contra quas non statui maiorem orationem consumere, ut doceam & ineptas & falsas esse, sed potius uniuersa quadam tot ineptiarum confutatione videntum mihi esse duxi. Dico igitur in arte rhetorica non solum vere & propriè ex elocutionis & actionis partibus comprehensa, sed in hac Quintiliani confusione ex inuentio-
Questionū
diuīsio inu-
tilis in rhe-
torica.
nis, dispositionis, elocutionis, memoria, actionis par-
tibus conturbata, totam quæstionum istarum partitionem & diuīsionem planè inutilē esse. Quamobrem verò ita sentiamus, hanc argumentationem ex Aristotelicis animadversionibus repetamus,

Communis rerum sibi subiectarum doctrina nul-
lam earum partitionem requirit,
vt in grammatica non sit diuīsio rerum grammaticæ
subiectarum, quia grammatica communis est ars de
omnibus rebus scribendi & loquendi.

Rhetorica vel quinque partibus à Quintilio con-
fusa, tota communis est rerum sibi subiectarum.
Vna enim communis est ars memoriae, pronuntiationis, elocutionis, nec earum variè partes ad varias quæ-
stiones accommodate, nisi quod nescio quid de qualitate elocutionis, & genere in demonstratione, delibera-
tione, & iudicio precipitur, ars tamen alia non est
troporum & figurarum, sed unus aliis: de inuincione

& iudicio idem suo loco probabo & demonstrabo.
Imò verò Quintiliani iudicio potius acquiescam, à quo rhetorica definita est non de hac aut illare, sed de omnibus rebus bene dicendi scientia.

Rhetorica igitur nullam quæstionum partitionem
requirit.

Hic non captiose aut obscure argumentor, sed causam sumمام & primam partiendæ quæstionis interpre-
tor. si quæstio diuidenda esset in rhetorica, id fieret
quia ad certas quæstiones, artes quædam certæ accom-
modarentur: omnes in uniuersum illarum partes om-
nilius quæstionibus non conuenirent. At id falso
esse contendō, primum in tribus partibus, elocutione,
memoria, actione id planum & confessum obtineo: in
duabus reliquis partibus, inuentione & dispositione,
idem rebus necessariis addicendum suscipio. Summa
verò totius confusionis in una inuentione est: non est fusio in in-
Tota con-
fusio in in-
terata sapientia, non pluribus modis confusa est me-
moriæ aut pronuntiationis doctrina: semel exponi-
tur, & uno tantum loco: non est repetitis iisdem ge-
neribus & confusis conturbata elocutionis in tropis &
figuris disciplina: quanvis enim multis rebus non ne-
cessariis à Quintilio pars ista onerata est, tamē una
& uno octauo & non libri loco proposita est: de dis-
ciplina dispositionis & argumentorum, & quæstio-
num, & partiū orationis multa Quintilianus variis
locis loquitur: preceptum nullum uniuersale (ut eius
verbis star) interpretatur. Summa inquam confuso-
ris rhetorica in inuentione tota versatur: cuius cau-

sam possumus ex ratione & progreßione temporum percipere. video enim artis huius doctores & magistros in cumulandis veterum decretis, & in nouis ex cogitandis maius studium, quam in distinguendis & alienis & suis inuentis iudicium adhibuisse. Primi rhetores ante Aristotelem non ut generale quandam & de rebus omnibus ornatae dicendi doctrinam tradiderent, sed tantum ut consiliis quibusdam & monitis foreſum & ciuilium caufarum formulas instruerent, de ratione amplificandi ex tropis & figuris: de mouendo auditore ad iram, misericordiam, inuidiam, indignationem, & eiusmodi affectus: de generibus caufarum demonstratiuarum, deliberatiuarum, iudicia lium alijs alia proposuerunt. Aristoteles postea cupidè curioſe in unum ea omnia accumulauit, & cum primis illis artibus vniuersos dialecticæ inuentionis & communes locos conturbauit: de pronuntiatione nonnulla etiam excogitauit: memoria postea rhetoricae addita est. Tot igitur modis inuentionis artes inuoluit,

doctrina, *quot modis inuolutas habemus, cum tamen una tandem de totum generalis doctrina in decem locos caufarum, efficiantur co tenta*, *subjectorum, adiunctorum, dissentancorum, collatorum, nominum, distributionum, finitionum, testimoniorum distincta ad omnes quæstiones, ad omnes orationis partes, ad res omnes denique facilissime & apertissime declarandum accommodari posset. At dicet aliquis, ille minores inuentionis artes in generibus caufarum, in partibus orationis nouitius & ruditus describuntur, maiores autem & communiores quæ sunt*

in locis vniuersis, iis scilicet qui iam aliquem progressum in illis studiis fecerint. *Audio, inquam, & hoc oratorio secundo apud Ciceronem dici sic, sic enim illic Antonius de his inuentionis locis loquitur. Ego omnium* *ars inuen-
tionis, eaque communis* *autem siquem plane rudem institui ad dicendum ve-
lim, nisi potius abriduis non opere eandem incude diem
noctémque tudentibus, qui omnes tenuissimas parti-
culas, atque omnia minima mansa, ut aiunt nutrices,
infantibus pueris in os inserunt: *Si sit &* doctrina
liberaliter institutus, & aliquo iam imbutus vnu, &
satis acri ingenio esse videatur, illuc eum rapiam, ubi
non seclusa aliqua aquila teneatur, sed vnde vniuer-
sum flumen erumpat: & illi sedes tanquam domici-
lium omnium argumētorum commonstret, & ea bre-
uiter illustret & verbis definiat. Hac illie Antonij
voce Cicero. At de Cicerone hoc in vniuersum respon-
sum esse volo, In rhetoricis præceptis nihil fere Cice-
roniani vel iudicij, vel ingenij esse, sed magistrorum
& rhetorum quos audierat, vel legerat, Aristotelis
maxime, artes propositas esse: Ciceronem his artibus
eloquentē factum non esse, nec ex his ita perturbatis ar-
tibus eloquentia Ciceronis, sed ex artibus nostris (quas
ad eius vsum accommodamus) mirabilem facile posse
perfici. Attamen sit contraria Ciceronis authoritas, an
superiorum volumus in artis disputatione hominis cu-
iusquam authoritatem, quam causa veritatem esse?
Pone simile aliquod in alia artis institutione docu-
mentum. *Definiat grammaticus nomen & omnes adiun-
ctas nominis circumstantias, & accidentias exponat in**

uniuersum: Hoc quia commune est, quia generale est, ad omnia nomina sufficere arbitramur: minutiores artes nullas requirimus, nec illa specialis facilior explicari posset, quam est illa generalis. At in inuentionis doctrina idē plane est. *Qui magister docet omnia que quae dicuntur de re aliqua dici possunt, esse vel causas, vel effecta, vel quo nō dicitur, vel subiecta, vel adiuncta, vel dissentanea, vel comparationes, vel nomina, vel tributiones, vel finitiones, vel testimonia, & ea diligēter explicat, sāne omnium rationum, omniumque argumentorum doctrinam explicat: nec illa minutius secta institutio commodior esse potest: nec tot subductionibus (quibus Quintilianus in questionibus, in orationis partibus vitetur) illa melior aut facilior via docetur ad cogitandum & inueniendum, quod de re proposita dicatur. Quamobrem tanta perturbationis excusatio probari nullo modo potest: atque etiam licet in omnem questionem omnia argumenta non cadant, attamen cui questioni qui loci conueniant, melius & facilius communium locorum cum questione collatio declarabit, quam ista tot articulū confusio. proposita quauis & quacunque de re questione, cūm decem communes locos perlustraueris, videbis quae suppedinent, & quae non suppedinent argumenta. Sed ad ipsas inuentionis artes, que docentur à Quintiliano, in generibus caſſarum, in partibus orationis, in locis communibus veniamus: nihil nisi decem nostros locos in his confundi doceamus, melius nihil ostendi, quo iuuentus instrui atque adiuuari posse ostendemus. Confirmo enim & recipio hosce*

decem locos solos esse, & præter hos in tot inuentionibus ^{multio de-} ^{mōstratio-} ^{nis & deli-} ^{berationis.} *Quintiliani, nihil quod ad Veræ doctrinæ rationē referri posse institui. Caput septimum est de demonstracione: quos igitur laudis locos à nostris diuersos Quintilianus hic exponit? Nullos, sed de nostris quatuor confundit, neque tamen integros assumit, causas, effecta, adiuncta, testimonia. Demonstrationē enim petendam esse docet à parentibus & maioribus, quae procreantes cause sunt in nostris locis. Item ex iuuentis, actis, dictis, factis, quae effecta sunt: Item ex animi, & corporis, & fortuna comodis, quae adiuncta sunt: Item ex testimonio diuinis: præterea nullum argumenti genus attingit. Nihil igitur hic Quintilianus ostendit in uentionis, quod sit non modo nostris locis magis utile atque accommodatum, sed ne distinctum quidem atque separatum. De dispositione pauca admiscer, ut vel temporum gradus, vel generum distributionem sequamur. Quorum secundum in omni disputatione, que via & ordine procedit, sequi debemus. In primo autem secundum adhibere & possumus, & nisi non plane intelligi volumus, debemus: quod Florus in laude populi Romani prestitum, ubi & gradus temporum sequitur, & tamen totam summam in quatuor partes diuidit. Idem Liuinus in plena per decadas historia fecerat. Quare nihil hic demonstrationis proprium Quintilianus ostendit, & coiungi optimè possunt, quae disiuncta esse existimat. Quae enim est ars uniuersæ inuentionis, eadem est etiam demonstrationi accommodata. In deliberationis capite nullus inuentionis locus à Quintiliano tra-
Delibera-
tionis nulla
iuentio.
d.i.*

ditur, nulla dispositionis via declaratur, tota res meritis nugis amplificatur. De iudiciali autem genere separatis Quintilianus nihil instituit, ad eius doctrinam retulit libro quarto & quinto, quae ab aliis rhetoribus communiter præcipiuntur de partibus orationis, item quæ de locis communibus inuentionis & generalibus. Quare concludamus primum in generibus causarum à Quintiliano nullas inuentionis artes proprias describi, quamobrem questionum & causarum genera ita diuidi oportuerit. Deinde hoc item concludamus, nullas inuentionis artes ad laudem, nullas ad consilium non dico demonstrari, sed attingi præter causarum speciem unam, effecta, adiuncta, testimonia diuina: quæ omnia diligentissimè de cœ locis nostris explicantur. Nam si de laude & consilio queratur, aperientur sane nostris institutionibus omnes illi dialecticæ sapientia fontes in causarum generibus, in effectis, in subiectorum & adiectorum, dissentancorum tot partibus & modis, in reliquorum argumentorum tam copiosis & abundantibus locis, ut delectus rerum ac modus penè difficilis tibi sit, tanta copia præstabitur. Qualem igitur dialecticum hic agnoscemus, qui iudicij ullam doctrinam neget esse, qui cum triplicem inuentionis artem statuat, primam hanc in generibus causarum tam aridam, tam inopem proponat inuentionis artem? Secunda inuentionis ars sequitur in partibus orationis à Quintiliano collocata. Itaque prius de partib[us] ipsarum numero disputationat, & nobis ideo non nihil de his est dicendum. Capite itaque nono officia judicialis cause

duo Quintilianus facit, intentionem & depulsionem: partes quinque, proœmium, narrationem, probationem, refutationem, perorationem: quasi non sit de facti conjectura contentio in demonstratione & deliberatione, ut aliquid illic intendatur & depellatur: quasi nequeant etiā illæ orationis quinque partes in aliis questionibus distingui: & hæc omnia seu officia, seu membra sint iudicialis questionis propria, non omnium questionum communia. Sed de partibus orationis paulo plura dicenda sunt. Hac enim partitione excepta vera & artificiose dispositionis scintilla in totis Quintiliani rhetorici nulla est. Methodus dialectica (ut in nos stris institutionibus dictum est) hoc præcipit, ut in magna rerum disputatione (quæ via & ordine persequi volumus) summa quedam primo loco ponatur, deinde tribuatur in partes & species: easque singulas & earum particulas ad extremum ita confirmingando & explicando persequamur, ut universa precedant, singularia sequantur: secundum quem methodi & dispositionis ordinem rhetores quidam viderunt, ad ordinum duas esse necessarias partes (etiam si questione simplex esset, nec haberet plures questiones) propositionem & confirmationem, duas non necessarias aliquando tamen assumi, ut proœmium & perorationem: cuius sententia Aristoteles author est. Alij quatuor fecerat, texordiū, narrationem, confirmationem, perorationem: quam sententiam Cicero in partitionibus sequutus est: alijs quinque, ut hic Quintilianus: alijs plures, qui tamen omnes ordinis illius artificiosi rationem quadam

habuerunt, ut uniuersum quoddam precederet, cuius partes deinde tractaretur. Exordio enim summa quedam rerum poni solet, quæ plerunque sequentibus partibus diuisè tractantur. Sed tamen hoc ita præceptis confuderūt, ut in hac ordinis descriptione locos inuentionis & elocutionis modos conturbarent. Neque mirum: cum enim dialektica & rhetorica distinctas nullas artes haberent, cum mille tenebris iteratas & confusas easdem res haberent, quid mirū fuit tam varias & tam disidentes his de rebus opiniones extitisse? Quamobrem dialekticas tertij libri laudes in partiendo questionibus, in explicandis demonstrationis & deliberationis inuentionibus omittamus: quantus hic dialekticus, quam acer & diligens in exquirendis rerum causis, in sua doctrina demonstrando fuerit Quintilianus, intelleximus. Videamus qualis & quantus in partium orationis inuentione declaranda philosophus fuerit, quæ genera argumentorum in exordio, in narratione noua descriperit: ad alias enim reliquas orationis partes locos generales & docendi, & mouendi, & delectandi reseruauit, nullos proprios explicauit. Vereor ne plerique parvū considerent attēte, quod de secunda ista inuentionis arte contra Quintilianū dispuo. Facit Quintilianus quinque partes eloquentiae, inuentionem, dispositionem, elocutionem, memoriam, actionem. Omnia igitur (dico) eloquentia præcepta Quintilianus ad aliquem harum partium referat, necesse est: nihil de memoria & pronuntiatione in exordio & narratione præcipitur: per pauca de elocutione

& dispositione confunduntur. Doctrina igitur reliqua inuentionis est, in qua dico non modo nihil esse, quod ad veram inuentionis artem referri possit, sed totum grecanicum, sophisticum, scholasticum, & plane puerile esse confirmo. Primum causam requiremus, quamobrem ad duas orationis partes, exordium & narrationem, inuentiones peculiares describantur: Causa trahende inuenientis in exordio nullam. tum enim verè disputabimus, cum proprias & veras causas sequemur: triplicem verò exordij causam fuisse video, ut benevolus, attentus, docilis auditor efficiatur. At id exordij proprium non est, quod attribuitur exordio proprium, & periculosis sane fuerit auditorem in media oratione, cum res serio agitur, non esse benevolum, attentum, docilem, quam in exordio. Deinde exordiū istarum rerū causa duntaxat esse comparatum falsum est, & sui contrarium: nullum enim Ciceronis exordium est in tot eius orationibus ad istas duntaxat ineptias comparatum, sed in omnibus orationibus quæ quidē extant, exordiū statim auditore ipsum de causa & aperte, & breuiter, & probabiliter instituit: non autem solum benevolum, & attentum, & docilem facit. Age vero, sit sane aliqua benevolentie, docilitatis, attentionis in exordio præcipue habenda ratio. Videamus an id melius Quintiliani confusis peculiaribus locis, quam nostris decem communibus efficiatur. Benevolentia ducitur à personis, aut à causis, & utriusque adiunctis (ait Quintilianus) quasi verò rei qui accusatur, persona ipsa non sit pars cause: causa enim hæc dicitur questio iudici proposita: Ut, an Clodius sit d. iy.

*Causa trādēndae in-
ventionis
in narra-
tione nulla.*

insidiatus Miloni, quasi inquam, persona non sit pars causæ: & tam multa quæ sapiens iste rhetor collegit de personarum & causarum locis, personarum adiuncta non sint, ac non omnia hæc perspicue doceantur à nobis in adiunctorum loco, quæ hic à Quintiliano confunduntur. Rhetorica (ita me Deus amet) breuis integræ & tota tradi poterat, quām est exordiorum tam magnifica doctrina à Quintiliano tradita: nulla inuentionis solida doctrina hīc est, qualis in dece nostris locis explicatur. Sed locos narrationis videamus, & requiramus hīc itē causam summā, quamobrē ars narrationis propria describatur. Triadicit esse Quintilianus, ad quæ propri loci narrationis describendi sint: quia narratio debeat esse breuis, aperta, probabilis. At primum Aristoteles meritò derisit, & reliqua etiā duo magis in confirmatione necessaria sunt, quām in narratione. In narrando enim, siquid parum probabile est, confirmingo tandem & tractando credibile efficitur. Tum verò valde ridiculum est, cùm tota dialectica & inuentio & dispositio, totaque rhetorica & elocutio & actio huc referatur, ut aperte & probabiliter dicamus, has virtutes omnium orationum communes, vni orationis parti veluti proprias attribuere: deinde perspicuitatis & probabilitatis artes etiam hīc excogitare, quasi totæ artes illæ suis preceptis aliud demonstrent, atque efficiant. Sed tamen qui sunt propri inuentionis loci, quos hīc Quintilianus tradit? Attinigit quidem & confundit ex causis instrumēta, ex adjunctis locum & tempus, præterea nullum omnino.

Quare nulla causa Quintiliano fuit inuentionis hic commissenda, nec illa est, sed mathæotechnia fatua pro vera arte. In his tamen ineptis vnum est singulare & dialectici artificij maximè proprium: quod Quintilianus precipit in narratione argumēta adhibenda esse, non autem argumentandum. Itaque dialecticos omnes irrideamus, dialecticam contemnamus, vnde didicimus nullam orationem, cuius aliqua afferatur ratio, sine argumento esse: omnem autem argumenti expositionem, esse argumentationem: itaque orationem ferè esse nullam, quæ nihil argumentetur: quinim nullæ Ciceronis narratio est, vbi non & argumenta rerum & rationes ponantur, vbi non etiam syllogismi & argumentationes adhibeantur. Ita Quintilianus commenta grecanica nobis tradit, non præcepta ex Vero vnu obseruata. Cetera quæ sunt in hoc capite tam multa, si persequar, vereor ne ipse ineptus sim. Quid verò de egressione dicam? Quintilianus eam inter si-
parte efficitur, quavis addubitans tamen collocat, & hic causa sione. De egressione consumit: ne illæ apinas rhetorum tricāsne omis-
sive videatur, tam nullæ se dialectica arte instructum ostendit. Talis adhuc est quarto & quinto capitibus de propositione & partitione, cum propositiō vel qua-
stio sit ipsa, quæ proponitur, vel syllogismi & argu-
mentationis fundamētum, & partitio sit inuentionis locus, cuius tamen doctrinā hic nullam Quintilianus explicat, quot eius genera, quōtue modi sint. Sic ista secunda inuentionis doctrina in partibus orationis v.
d. iiiij.

Partitio
orationis
inepta.

delicet explicatur, ut confundatur aliquid ex causis, adiunctis, partitione: nihil omnino ad generalem & communem sum dicendi referatur. Sed per Deum immortalem, caliginem partitionis huius in quatuor aut quinque, aut etiam plures partes orationis accuratius excutiamus, quaramus causas, & adhibeamus, Videamus quanam operis arte constructi legitima partitio esse debeat. Dico enim partitionem hanc orationis in partes vel quatuor, vel quinque, vel etiam plures explodendā esse. siquis sermonis puri (quod grammatica artis opus est) laudes & virtutes partiri velit, sanè redeat ad uniuersas artis causas necesse est, nō ad unam eius partem aliquā: neque dicat orationis duas esse partes, nomen & verbum, quia in ordine & syntaxi parts illa spectentur: nec ideo nobis grammaticam quandam ad illas duas partes contrahat: imo vero (si volet omnes sermonis laudes intueri) consideret sanè & etymologiam in partibus singulis, & syntaxin in eorum coniunctione: prosodium si proferatur, in syllabarum accentu & quantitate: si scribatur, orthographiam in literarum & syllabarum formatione. Denique operis grammatici partes ex artis grammatica partibus exquirat necesse est. Si quis etiam disputationis que dialectica artis opus est, partes expendere cupiet, referat se ad communes dialectica artis partes, inuentionem & dispositionem, non ad particulam eius aliquam: neque statuat disputationis tres esse partes, propositionem, assumptionem, complexionem: neque nobis inuentiones proprias & propositionis & assum-

ptionis & complexionis, vel earum ordines quando praecedant, quando sequantur, quando intermedio loco comprehendantur, neque nobis hic dialectica nescio quam confusionem cōminiscatur. Quid ita? quia propositio, assumptio, complexio ad dispositionis artem, non ad totam dialecticam pertineant. Quomodo igitur disputatio dialectica cōmodē diuidetur? equidem rectam & absolutam diuisionem dialectici operis fore arbitror, si quis ad inuentionis & dispositionis (quae partes dialectica artis verae & sola sunt) partes eius referat: ut dicat disputationem duabus ex rebus constare, argumentis, quod ab inuentionis arte prestatur: item syllogismo, aliquando etiam methodo, quod dialectici ordinis dispositione continetur. Sic inquam, veri operis laudes & partes reteximus, si ad artis legitimas & veras partes referamus. Nec aliter ars ab opere quidquam differt, quam à causis effectus: ars enim facultas est efficiendi: opus artis est effectus. Sic Aristoteles qui tenebras istas tam multas reperit, vel certe accumulauit, docet analysin dialectici operis ab effectione (quam genesin nominat) differre. Ponatur igitur imprimis illud,

operis arte constructi partitio non ex parte aliqua, sed ex arte tota sumi debet.

ac deinceps assumatur,

Oratio est opus aliquod arte constructum: nempe (ut Quintiliano placet) arte & inuentionis, & dispositionis, & elocutionis, & memorie, & actionis. Tandem concludamus,

orationis igitur partitio, non ex una parte aliqua,
vt ex dispositione & ordine in exordium, nar-
rationem, confirmationem, refutationem, per-
orationem, sed ex arte tota sumi debet in in-
ventionem, dispositionem, elocutionem, memo-
riam, actionem: quoniam has partes arti rheto-
rica Quintilianus attribuit.

Quamobrem tollatur ista partitio, & tata in his pra-
ceptiunculis & exordiorum & narrationum cōfusio-
nē nunc ad tertiam Quintilianī inventionem: de
causarum inventione dictum est: de exordiorum &
narrationum inventione disputatum est: superest in-

De commu- uentio una communis & causarum, & partium ora-
nibus locis tionis, & omnium omnino rerum: quam videtur ta-
men Quintilianus in tertia parte orationis, id est, con-

firmatione posuisse: quia putaret argumentis in exor-
dio & narratione locum non esse, sed in confirmatione
sola. Nam si secus existimauit, cur attribuit vni parti-
quod commune putet omnium? Age igitur, hoc ve-
niamus. Confirmo autem tam negligentem atque iner-
tem esse huius vniuersae inventionis doctrinam, quam
specialis illius antea in causis, in partibus orationis
fuit. Diuidit Quintilianus Aristotelem secutus, pro-
bationes bifariam, vt aliae sint inartificiales, aliæ ar-

artificiales: Inartificiales vocat, quæ extra artem sunt,
& quæ extrinsecus accipiuntur à litigatore, vt preiu-
dicia, rumores, tormenta, tabulas, iusurandum, testes.

In quo cum Aristotele labitur Quintilianus, primū
cum sint his de rebus & artibus innumerabiles qua-

stiones, quæ non veniant in forum, in quibus tamen te-
stimonia doctorum & sapientum adhibeantur, quo-
modo inartificiales isto modo dicentur? quomodo inar-
tificiale denique dici potest, quod præceptis artis sit in-
stitutum? at præcepta & artes de his argumentis tra-
duntur. Malim vero (vt res est) inartificiales dicere
has rationes, quia nihil admodum artis habeant, &
ex omnibus argumentis minimā veræ probationis par-
ticulam habeant, nec omnino testimoniis credatur, sed
testimoniorū potius causis fides adhibetur. Ergo falsa
ratione seductus est Quintilianus. Distribuit deinde
artificiales probationes admodum leuiter & inepte, vt Parvissime
alio non utrum

P. 59

sint in re vel persona, itē ex antecedentibus, consequen-
tibus, pugnantibus, item ex praterito, presenti & fu-
turo tempore, item ex maiori, pari, minori, item vt aliae
sint necessaria, aliae credibiles, aliae non repugnantes,
item vel quia aliquid est, aliud non sit: vel quia ali-
quid est, aliud sit: vel quia aliquid non est, aliud sit:
vel quia aliquid non est, nec aliud sit. Quo rōto parti-
tionum genere quid potest inepius esse? Licet enim ta-
les sectiones omnium rerum infinitas ex circumstantiis
leuisimis fingere, sed quid nā utilitas est vel ad co-
gnoscendam naturam argumentorū, vel ad usum tra-
ctandū? Omnis igitur probatio (ait Quintilianus)
artificialis constat, aut signis, aut argumentis, aut ex-
emplis: quasi & exempla & signa argumenta non sint.
O dialecticum & acutum diuisorem! differentias si-
gnorum & argumentorum videamus, quas Quintili-
anus proponit, vt hanc egregiam exemplorum &

signorum ab argumentis differentiam videamus.

Signa nō „ *Signa*, ait, non inueniuntur ab oratore, sed ad eum cum recte ab „ causa deferuntur. At hoc falsum est: signa enim que argumētis separat „ vocat, effecta vel adiuncta ferè quædam sunt sub oculis cadentia, quæ queri & inueniri ab oratore qua- Quintilianus. rendo in omnibus quæstionibus possunt. Verum esto, non inueniantur ab oratore, sed ad eum deferantur, sunt igitur inquam inartificialia: nec itaque partes artificialium, ut tu Quintiliane effici: atque ita in iudicij & syllogismi virtio grauiore fueris. Aliæ differentiam argumenti & signi Quintilianus facit, & mirifico quodam dilemmate comprehendit. *Signa*, ait, „ siue indubitata sint, non sunt argumenta, quia ubi „ ea sunt, quæstio non est: siue dubia, non sunt argumen- „ ta, quia ipsa argumentis egent. At signa (inquam) indubitata sunt aut dubia: argumēta igitur (ut pro te concludam) non sunt. Imò vero Quintiliane, quanto clariora sunt argumenta, quanto magis quæstionem tollunt, quanto magis quæstionem arguit, tanto magis argumenta sunt. Actu ipse argumētum paulo post ita definī, ut indubitatum sit: pars igitur tui dilemma-“ tis antecedens est falsa. Hic vero locus unus declarare potest quam acriter iudicio Quintilianus fuerit, qui tam analiter argumentetur, qui tam leuiter & inconstanter concludat, tam contra dialecticam omnem rationem ratiocinetur. Hoc enim bello dilemmate concludes nullam probationem esse argumentum sic,

si probatio indubitata est, non est argumentum,
quia ibi quæstio non est: si dubia, non est ar-

gumentum, quia eget argumentis:

Atqui probatio est indubitata aut dubia: Nulla igitur probatio est argumentum.

Hæc dialectica est Quintiliani. sed argumenti definitionem videamus, forsitan hæc manifestorem differētiam præbebit. Argumētum (ait Quintilianus) est ratio probationem præstans, qua colligitur aliud per aliud, & quæ quod est dubium, per id quod dubium non est confirmat. Atqui hæc argumenti definitio & signo & exemplo conuenit, totāque ista partitio probationis artificialis in signū, exemplum, argumentum, (ubi duæ species cum suo genere tāquam ab eo diuersa genera ponuntur) & falsa & fatua plane est: qualis ferè tota probationum doctrina quinto libro à Quintiliano descripta. In generali autem argumentorum do- Argumen- trina (qua tota locis decem nostris traditur causis, ef- torum con- fectis, subiectis, adiunctis, dissentaneis, comparatis, no- fusa ars in minibus, tributione, finitione, testimonio) confundit & Quintili- miscit Quintilianus locos velut generales, illis tamen generalibus non comprehensos solum sed partibus dis- tinctos, confundit inquam à persona, ut sunt genus, natio, patria, sexus, aetas, educatio, habitus, fortuna, conditio, natura, animi virtus, studia antea acta di- tāque & nomen. Hoc enim locos tam multos institu- tiones nostra comprehendunt, & distinguunt duobus effectorum & adiunctorum locis. Maior deinde incerti- ta est Quintiliani de effectis. Hæc enim in locis perso- narum nominatim erant proposta, & hic iterum ve- lut ab illis diuersa repetuntur. Item de tempore, loco,

cāsu, qua ipsa adiunctorum sunt, & tamen iterum postea ponuntur adiuncta, velut ab his disidentia. Item de facultatibus & instrumentis & modis tanquam hēc cāuse vel adiuncta non sint. Item de finitione, genere, specie, proprio, differente, quasi proprium quidquam sit ab adiunctis diuersum, aut differentia non sit dissimilitudo: de qua tamē Quintilianus postea. Item de diuisione tanquā genus & species, de quibus tamen paulo ante, quidquam sit a diuisionis loco separatum. Item de remotione, ubi Quintilianus valde pueriliter hallucinatur, qui putat ipsam partium remotionem à diuisione genus argumēti diuersum esse. Item de initio, incremento, summa, quæ tria nullum uniuersum argumenti genus ostendunt, sed cum aliis omnibus commiscentur. Item de similibus, dissimilibus, contrariis, pugnantibus, adiunctis, relatis: ubi adiuncta relatis Quintilianus valde inscienter subiicit. Item de causis & euentis, quæ tamen antea nomina coniugatis, natim posita sunt. Item de coniugatis, quæ Quintilianus irridet, quia, inquit, non eget probatione, quod compascū est, compascere licere. Hoc dialecticū Quintiliani est iudicium ei simile, quo signa antea ab argumentis distinguebantur: quod animal rationale est, hominem esse, probatione non eget: ergo definitio tuo isto iudicio non est argumentū Quintiliane quo quid à dialectica alienius? quid illius philosophia inanius? Item de maioribus, minoribus. Tandem vero locos tam multos, & tam variè confusos in unam summā confusionis contrahit: ut sint omnes à personis, causis, locis,

tempore, facultatibus, modo, finitione, genere, specie, differentibus, propriis, remotione, diuisione, initio, incrementis, summa, similibus, dissimilibus, pugnantibus, consequentibus, efficientibus, effectis, euentis, coniugatis, comparatione. Addit his fictionē ~~ratō~~ ^{Quintilia-} ~~error de~~ ^{Quintilia-} ~~quæ ex omnibus argumentis peti possit, quia~~ ^{error de} ~~totidem species sicut& sunt, quot verae.~~ ^{Quintilia-} ~~Hic~~ ^{error de} ~~negligens dici non potest, qui tam multa vnde-~~ ^{negligens} ~~que conquirat: at certe dialectice Valde ignarus, &~~ ^{negligens} ~~syllogismi expers videri potest, qui non videat hanc~~ ^{negligens} ~~propositionem esse syllogismi connexi, cui nisi~~ ^{negligens} ~~assumptio aut expressa, aut intellecta coiningatur, argui~~ ^{negligens} ~~inde & probari, & cōcludi nil possit: qui (inquam)~~ ^{negligens} ~~non intelligat aliud inuentionem esse, quæ argumenta~~ ^{negligens} ~~suppedire: aliud dispositionem, quæ argumenta collo-~~ ^{negligens} ~~cket. At~~ ^{negligens} ~~de illa pars est syllogismi cōnēxi: quæ ar-~~ ^{negligens} ~~gumentū disponit cum questione, & quæ omne genus~~ ^{negligens} ~~argumenti capere potest, quod syllogismus potest. sylo-~~ ^{negligens} ~~gismus tamen non est argumentū, neque sanè proposi-~~ ^{negligens} ~~tio syllogismi argumentum est. Arque hēc commenta~~ ^{negligens} ~~cum tam inscite & confuse Quintilianus generalibus~~ ^{negligens} ~~& uniuersis locis cōmīscat, attamen affīmat multò~~ ^{negligens} ~~etiam plures inuentionis locos tradi posse: in quo fallit-~~ ^{negligens} ~~ur: extra enim decem locos, causas, effecta, subiecta,~~ ^{negligens} ~~adiuncta, dissentanea, comparata, nomina, tributio-~~ ^{negligens} ~~nes, finitiones, testimonia, argumenti genus nullum~~ ^{negligens} ~~est. Omnia hēc comprehensa & eorū generibus ac par-~~ ^{negligens} ~~tibus clarissime in nostris institutionibus sunt distin-~~ ^{negligens} ~~cta. De exemplis confusio similis est. Omnia ait Quin-~~ ^{negligens} ~~confusio.~~

tilianus) necesse aut similia, aut dissimilia, aut contraria esse: paulo post tamen seipsum scilicet condemnans, etiam maiora, & minora, & authoritates adiungit: & quæ cōtraria exempla putat esse (ut Marcellus ornamenta hostibus syracusanis restituit: verres eadem sociis abstulit) hæc dissimilia sunt, non contraria. De usu argumentorum pleraque dicit partim falsa, partim vera. Admiserit etiam quædam de dispositione, quæ dispositionis tamen artificiosæ cuiusmodi est, in syllogismo & methodo nihil habent. Iubet autem Quintilianus ne à potētissimis, ad leuisima decrescat oratio: & tamen postea libri septimi capite primo dicet contrà, ubi docebit reo firmissimum quodque primum refellendum, & ad infirmissima deinceps veniendum. In capite de refutatione similes nugæ sunt, sine ullo tamen inventionis præcepto. Ad extremum multa de enthymemate & epicheremate colligit Quintilianus, quibus probat se eundem esse, quem tot antea locis probauit, in dialectica nempe valde plumbeum: & quæ de syllogismo dicit, magis ea se vel audita, vel ex aliquo auctore lecta describere. Aristoteli sui erroris auctorem Quintilianus hic habet. Dialecticos ab

Aristotelis oratoribus, non vero rerum usu, sed captiosis Aristoskopis de differentia commentis distinguit: ut illi syllogismis tantur, liberius oratione. Non intelligit hic homo vi grammaticæ, sic dialecticæ ex omnibus inventionis & dispositionis partibus usum in omni oratione communem esse: dialogos, sermones, contentiones, poemata, orationes denique (cuiuscunque generis sint) omnes mā.

gis dialecticas, quam oratorias esse. Nulla fere est oratio sine ratione & arguento, sine rationis & arguenti collocatione, quod dialectica est. At Quintilianus Aristotelis somnia secutus (qui dialecticos scholasticis altercationibus, rhetoras forensibus & ciuilibus contentionibus fatuè distinxit) putat syllogismo oratores, quam dialecticos rarius uti. Quasi vero non sit similis & dialectica & rhetorica ratio in dialogis Platonis, & in forensibus Ciceronis actionibus, non tam frequentes animaduertatur syllogismi, quam vel in Aristotelis spinoſissimis sophismatis. Si Quintilianus distinctas inventionis & dispositionis artes cognouisset, & ad earum normā Ciceronis orationes expendisset, reperisset in Ciceronis orationibus syllogismos frequentiores, quam possent in illis philosophori scriptis notari. Hic Aristotelis error Quintilianum se felicit, qui simpliciter Aristotelis illud commentum sequutus est, nunquam attendit, an hoc vere diceretur. Nam si obseruasset, errorem illorum manifestissime comprehendisset, cum videret dialecticam tam esse in poetarum & oratorum, quam in philosophorū libris usurpatam & tractatam. Atque hæc de argumentorum inventione tertio, quarto, quinto libris. Totus sextus De mouendi liber qui sequitur, in mouendi & delectandi artibus & delecia- di artibus consumitur: ubi nihil dialectica, nihil rhetorica proprium est. Generales ut sunt, ita generaliter exponantur rhetorica in elocutione & actione, dialectica in inventione & dispositione: multi ex his uniuersis rerum fontibus riuiuli oriuntur, qui tamen non sunt

harum artium praeceptis permiscendi. Artes inuentio-
nis tres docentur à Cicerone & Quintiliano: ad docen-
dum loci describuntur in generibus causarum, in par-
tibus orationis, & tandem communes omnium qua-
stionum. Secundò ad mouendum quedam etiam prae-
laci ad docepta ponuntur: postremò ad ridendum. At in inuen-
tione loci ad docendum soli sunt explicandi, motus &
delectatio proprias artes nullas habet: peruntur autem
communiter ex locis illis inuentionis: item ex elocutio-
ne & actione: maximè vero ex morali disciplina, ubi
agnoscas quid virtus, quid vitium, quibus rebus boni
viri gaudeant, quibus improbi exultent, quibus utri-
que item offendantur: quod Cicero saepe testatur, qui
in oratoriis affirmat ex omnibus philosophia partibus
illam partem esse idcirco oratori maxime necessariam:
Aristoteles, qui tantam dialecticę & rhetorica-
mōtu p̄r confusione p̄perit, affirmat rhetorica ratione mō-
tū & affectionum partē quandam esse moralis phi-
losophia: & ad illam philosophiam mōalem, mouen-
di totam artem refert: & Quintilianus ipse ideo phi-
losophiam mōalem primo libro rhetorica partem di-
xit esse. In extremo sexto libro de differentia consili-
nius nullam & iudicij differit Quintilianus, & iudicium putat,
iudicij arte ut dixi antea, non magis arte tradi posse, quam gustū,
putat esse. quam odorem. Hic in cumulando diligentiam Quintili-
ani non requireo, in iudicando prudentiam deside-
ro. Dixit antea duas esse dialectica partes, inuentio-
nem & iudicium: nunc quasi dialectica ars nulla sit,
& quod de iudicio in syllogismis præcipiat, in artifi-

tiosum sit, ait iudicium arte tradi non posse. Atqui *Judicij* tamen haec iudicij doctrina tanta est, tam mirabilis, tam diuina, ut qui vel ceteras artes norit, hanc ex necessitate præceptis vel observatione aliqua non norit, nihil vere percepisse, nihil fermè cognouisse videatur. Atque haec de inuentione à Quintiliano confusa sunt. Dispositionis doctrinā libro proximo septimo videtur Quintilianus explicare velle: quod si fecisset, syllogismi modos omnes, & methodi vias & doctrinę & prudenter docuisse, quemadmodum in nostris institutionibus est explicatum. At in principio Quintilianus indicat nullam dispositionis artem in omnes materias certam tradi posse: in quo vehementer errat. Nam syllogismi & methodi artificios & certa doctrina est, & omnium rerum, quæ via & ratione tractandas sunt, communis. Quare quid plura iam contra hunc hominem de arte dispositionis dicenda sunt, qui eam non solum ignorat, sed arbitratur nullam esse posse? Quæ vero Quintilianus nomine dispositionis tam multa toto hoc libro scribit, ea sunt de formulis causarum ciuilium, & de consuetudine quadam litigandi in Romano foro, quæ fuit illo seculo. Attamen omnia eiusmodi, ut nullum omnino solidum ac perpetuum, vel ad illas ipsas Romani fori formulas præceptum prebeant. Revocat autem huc tota illa sophismata tertii libri de generibus statuum & questionum coniectura, finitione, qualitate, actione, scripto, & voluntate, contrariis legibus, syllogismo, amphibologia: in quibus singulis nullum dispositionis præceptum generale est. Confunduntur etiam quedam

inuentionis praecepta in coiectura & finitione, de causis factis, consiliis, ut verissime confirmari possit, quinque libris tertio, quarto, quinto, sexto, septimo, à Quintiliano non informari inuentionis & dispositionis artem: sed utriusque partis doctrinam multis rebus fal-

Epiologus sis, alienis, inutilibus obrui. Quamobrem iam licet inuentionis & dispositionis, istam & inuentionis & dispositionis contentionem & disputationem, ubi tota concludamus, & nostras institutiones cum Quintiliani comparatur tiliani institutionibus, sum nostrum cum vsu Quintiliani coniungamus, ut intelligi possit uberiorius ad extremitatem quid hac de re statui possit. Nos artes inuentionis & dispositionis dialecticae arti, cuius partes propter dialecti priasunt, vere attribuimus: Quintilianus dialecticæ artis institutionis inuentionis & dispositionis definitio, rhetorica falso subiicit. Nos questionem definimus, & de partibus admonemus, quod ad sum inuentionis & dispositionis attineat: Quintilianus questionem non definit, nullum questionis sum ostendit, sed omnium generum sophismatis hanc doctrinæ partem confundit. Nos inuentionem definit, genera partimur, generum species singulas & partes expominus, & insignibus exemplis illustramus: Quintilianus nec inuentionem, nec inuentionis genera, nec generum species, nec omnino partes vlo verae definitio- nis aut partitionis lumine exornavit, sed pro una illu- stri & communi rerum omnium inuentione, tres in- nisiimas & turbatissimas artes aggregavit, primam in generibus causarum, secundam in partibus orationis, tertiam in generalibus & omnium tum causarum, tum partium orationis locis communibus. Nos syllogis-

mi & methodi, id est, vniuersæ dispositionis laudes omnes persecuti sumus: Quintilianus nullum omnino certum & perpetuum preceptum hic intellexit. Nos clarissimo ordine & ad intelligendum aptissimo generales preceptiones primò, speciales deinde collocavimus: Quintilianus autem qua via, quo ordine, qua dialecticæ methodi ratione totam confusionem tot artium composuit? Comparat orationem via & ratione distinctam Plato perfectæ animalis excellentis figura, cuius caput sursum erigatur, pedes deorsum deprimantur, peitus, venter, ac reliqui artus intermediis locis ordine collocantur: ita orationem dialecticæ collocatam iudicat summo ac primo loco res vniuersas, infimo singulares, intermedio tum vniuersis inferiores, tum singularibus superioribus amplecti: ut à capite disputatio per partes ad extremas particulas deducatur. Verum enim uero quodnam esse animalis monstru putaremus, cuius pedes essent sursum erecti, deorsum caput affligeretur, ipsiusq; caput vna cum ventre in pedis vnius, tanquam vortice aliquo absorberetur? Talis sane triplicis apud Quintilianum inuentionis est colloca- tion: pedes enim sunt singulares causarum artes, quæ primo & summo loco sunt: venter partes orationis, quæ sunt magis communes, quam artes demonstratiæ: & de- liberatiæ causa minus communes, quam loci genera- les: caput communes omnium questionum loci: quæ tam in orationis, & communis locorum doctrina in uno judicialis causa genere, id est, in uno pede con- funditur. Itaque tota artis explicacione non modo in rebus

*Cōparatio
exercitatio
nis & r̄sis.*

*forūlā
ia lācā
dū cār
Hibunda.*

ip̄is permulta absurdē peccauit Quintilianus, sed in ordine & dispositione videmus, quām confusus sit & perturbatus. Quid vero futurum putamus, si tam inertis, tamque inanis confusionis r̄sum requiramus? Exercenda est & inventionis & dispositionis doctrina modis duobus, primò ut per eam in alienis exemplis cognoscamus, & consilium ex argumēto, & iudicium ex cōclusionis modo, & totam omnino prudentiam ex collocationis & ordinis methodo: Secundò ut per eandem artem similia ipsi & dicendo & scribendo exempla configamus. Enimvero ponatur aliqua Ciceronis oratio, inuenio & dispositio ex artibus Quintiliani disquiratur, quid primum ad hanc exercitationis rationem tota illa tam accurata de statibus doctrina, an rationalis quæstio sit, an legalis, utrum queratur an est, quid est, quale est, an status sit ambiguus, an syllogismi, an legum contrariarum, an scripti & sententiae, an translationis: quid inquam ista mihi prorūrunt ad rationem inuentionis? nihil ad rationem dispositionis? nihil. Nam vero quas artes Quintilianus ad explicandum, quid hic Cicero voluerit, quo genere argumenti, quām solido r̄sus sit, quas, inquam, inuentionis artes hic adhibeo? An genera causarum repeatam, & partium orationis tot institutiones excutiam, & locorum communium rationē totam hoc referam? Curnam, Deus bone, confusio tanta, & quamobrem miscenda est, cum res tota clarissima & facilissima sit?

Nosse vīs, & expendere consilium in Ciceronis oratio-
e, ministris tibi proposita? refer ad partem questionis utran-
quandi ratio

uis, eius argumenta, considera quid eius sint, causāne an effectus, subiectum an adiunctum, dissentaneum, comparatio, nominis ratio, tributio, definitio, testimonium, tum hoc assequere compendiaria & facili via, quod Quintiliani tam molestis salebris assequi vix, ac ne vix quidem posis. Postremo faciamus idem in Quintiliani de dispositione artibus periculum, quomodo iudicium Ciceronis, quomodo methodum cognoscam? At tantum abest ut Quintilianus ullam iudicij doctrinam doceat, ut affirmet omnino nullam tradi posse: tam cæcus in omni dispositionis arte, ut profiteatur in omnes materias communem esse nullam posse. Aristotelis & Quintiliani error fatuitate parcer est: ille negat in Topicis communem inuentionem tradi posse, quam tamen tot tenebris inuoluit, quām multas in eius libris demonstrauimus. Hic vero iudicium dialektice partem esse dicit, & tamen idem nescio quomodo somnians ait iudicij doctrinam nullam esse, nullam artificiose dispositionis communem esse doctrinam. Quare quid iam requiram hoc loco, quomodo posse secunda exercitationis ratio ex hisce Quintiliani artibus tractari? Non potest ex his consilium, non potest iudicium, non potest methodus in propositis authoribus intelligi: quomodo igitur his artibus easdem virtutes assequi scribendo & dicendo poterimus? Quamobrem cum sit ars inuentionis & dispositionis a Quintiliano tam negligenter, tam insipienter exposita, cum nihil perfecte vel definitum, vel partitum, vel estimatum, vel collocatum sit, cum verus earum

partium *V*sus illinc elici nullo modo posse, statuite dialectici, quos initio contentionis meæ iudices appellauit, statuite, inquam, qualem dialecticum rhetorem hunc à vobis debeat estimari.

De elocutio-
ne ex octa-
nō libro.

De dialectica & inventionis & dispositionis do-
ctrina cōtra Quintilianum adhuc dialecticè quidem
egimus: sequitur de elocutione institutio Quintiliani
tam prolixafere, tamque confusa, quam quinque pro-
ximis libris fuit de inuentione atque dispositione. sum-
mas rerum, ut adhuc feci, duntaxat attingam, insti-
tutum persequar: dialecticam prudentiam hic item
ab hoc magistro requiram, quomodo definierit, quo-
modo diuiserit, quomodo declarauerit, quod doctoris
consilium, quæ ratio, quod iudicium, quæ sapientia
fuerit, qualem denique se dialecticum præbuerit. Elocu-
tio rhetorica præceptis his definienda & explicanda
fuerat, quibus grāmaticum nihil, nihil dialecticum
admisceretur: ut cū puritas orationis grammaticis
decretis, rationis subtilitas & prudentia dialecticis
informata esset, tum quid ad ornandum ex tropis &
figuris, ex vocis & actionis gratia & dignitate reli-
quum pertineret, hic definitionibus, partitionibus, &
exemplis exponeretur. At Quintilianus sui similis est,
miscet & conturbat in rhetorica elocutionis præceptis
& grāmatica & dialectica. Elocutio (ait primo ca-
pite octauī libri) spectatur in singulis & coniunctis
verbis: quid tum? In singulis intuendum ut sint lati-
na, perspicua, ornata, apta. In coniunctis, ut emenda-
ta, ut collocata, ut figurata. Hæc partitio Quintilia-

Elocutio-
nis partitio
vitijsa.

ni est, in qua consideremus quenam dialectica teneat-
tur. Primum enim Latini & emendati sermonis ele-
gantia rhetorica nihil est, grammatica tota est: ut
enim nullus barbarismus, nullus solēcismus insit, grā-
matica & virtus est. Itaque hac tam multa in hac par-
titione redundant, & dialecticam nullam hic esse
demonstrant: quia cum de rhetorica elocutione diffu-
tes, non erit profectio verum grammaticas res admisce-
re. Quod Quintilianus nescio quo modo cōsistetur cū
ait, Sed ea quæ de ratione Latinè atque emendatè lo-
quendi fuerint dicenda, in libro primo, cū de gram-
matica loqueremur, executi sumus. Verum hic Quintili-
anus idem est qui adhuc fuit, sine dialectico con-
silio, sine syllogismo, sine iudicio. Verum(ait) illic tan-
tum ne vitiosa essent præcepimus, hic non alienum est
admonere, ut sint quamminime peregrina & externa.
At Quintiliane, non eadem solum libro primo tradi-
disti, cū de grammatica dices, quæ hoc libro repe-
tit, sed etiā longè quam hic plura: & te valde tamen
in tanta cumulandi diligētia demonstras obliniosum
& immemorem, atque, quod arguo, dialecticæ exper-
tem. De perspicuitate rerum & decoro idem sentien-
dum est: Rhetorica enim (quæ in verborum elocutione
& actione tota posita est) ferè nihil habent. Secundo
capite perspicuitas informatur ex verbis propriis: pro-
prietatis autem admodum ridiculè diuiditur in modos sa-
partitione. Perspicui-
tatis vicio-
octo. Omnis significatio verbi propria est, aut mutata
aliquo genere tropi per metonymiam, ironiam, me-
taphoram, synecdochen, ut postea declarabo. Itaque si

Verè statuere volumus, vñica proprietatis in verbo
estratio, vnicus est modus. At Quintilianus ait pri-
mo dici propria, quorum prima hæc intelligentia &
significatio fuerit: quod est verum. secundo modo di-
citur proprium, ait, inter plura quæ sint eiusdem no-
minis, id vnde cetera ducta sint. At Quintiliane, hic
secundus modus à primo diuersus non est. Omnis dictio
propriè aliquid significat: significatio tamen hæc sepe
ad aliam rem significandum aliquo tropo mutatur.
Id verò vnde cetera ducta sunt, proprium solum est,
cetera ἔμνως vñspata. Ergo dialectica luce adhibi-
ta vides secundum istum proprietatis modum à primo
non differre. Tertius est modus, cùm res cōmuniſ pluribus in uno aliquo habet nomen eximium. At Quin-
tiliane, synecdoche est hic modus proprietatis: quoties
enim ex genere species significatur, synecdoche postea à
te definitur. Cur igitur tropus isto loco turbatur, ac non
potius in troporum doctrina docetur modifcatas signi-
ficationes, si id opus esset, etiam proprias esse? Quartus
modus est, cùm quod commune est aliis nomen, alicui
rei peculiariter tribuitur. Hic error non similis est pro-
ximo, sed idem cum eo planè. Quintus modus est, quo
nihil est significantius. At id aliquando proprium
nomen est, vt à primo modo nihil differat, aliquando
modificatum, & hic nihil docet. Sextus modus pro-
prietatis in his quæ bene translata sunt. At cur hic de
metaphora potius ista conturbantur, quam proprio &
legitimo troporum loco docentur? Septimus modus est
in his quæ sunt in quoque precipua: at id interim pro-

prium verbum est, vt hic modus cum primo conser-
nit, interim modificatum est. Octauus modus, cùm
verba plus significant quam eloquuntur: emphasis
tamen manult Quintilianus appellare. Arque hæc
genera proprietatis facta sunt octo, que in rhetorica
bene tradita nulla omnino essent. Grāmatica proprie-
rum verborum rationem habet, rhetorica modificato-
rum: sic à modificatis propria distinguenda sunt. Quin-
tilianus autem ex duobus significationum generi-
bus, propriarum & modificatarum, fecit genera pro-
priorum octo, tam subtiliter & acutè, vt secundum
genus nihil differat à primo, octauum à Quintiliano
ipso reiicitur, tertium, quartum, sextum sint tropi
synecdoche & metaphora, quintum & septimum primo
genere, aut tropo aliquo continetur. Et hic curam &
solicitudinem in congerendis rebus video, dialecticum
iudicium, dialecticum syllogismū nullum video. Præ-
termittit permulta falsa, permulta inepta, quia sit in-
finitum singula persequi. Opponit Quintilianus obscu-
ritatem perspicuitati, & eius modos alios in singulis,
alios in coniunctis verbis exponit. At Quintiliane,
quam obliuiosus es, quam valde es immemor tui? Par-
itus es elocutione ex verbis singulis & coniunctis: in
singulis perspicua collocasti. At nunc etiam in coniunctis
eorum doctrinam permisces, & te ipsum valde in
definiendis artibus & distinguendis perturbatum esse
doceas. Similis est inconstantia & confusio tertio capite
de ornatu, vbi præmium est sua longitudine inepti-
simum. Ornatus doctrina tandem sequitur in singulis doctrina.

& coniunctis verbis, cum tamen in prima partitione in singulis tantum. Verbis ornatus à Quintiliano positus sit: & istam constantiam dialecticam primum deprehendo: Ornatus, ait antea, totus in singulis verbis. Deinde, ornatus duo genera, alterum in singulis, alterum in coniunctis. Singula trifaria partitur ut propria sint, aut ficta, aut translata. At Quintilianus antea subiecit verborum proprietati translationem, nunc eandem tanquam distinctam à proprietate separat: de nouitate verborum repetit quædam libro primo confusa: de translatis hic nullum verbum facit. Ita Quintiliani doctrina de verborum singulorū ornatus concluditur, ut magnifica nobis promittatur, promissa ipsa nulla fiant. Cōiunctorum verborum ornatus pari, vel multò etiam maiore confusione turbatur. Diuiditur primum bifariam, quam concipiamus elocutionem, quam efferamus. Illic considerandum esse dicit, quid augere, quid minuere velimus, ubi tota dialectica rhetoricaque comprehenditur, ne nihil agere doctore tantum iudicemus: hic vero quibus tropis, figuris, sententiis, numeris utamur: ubi tota dialectica rursum in sententiis, & elocutio ex tropis & figuris & numeris miscetur: tam egregiè Quintilianus partitur hanc doctrinam, ut quicquid illi venerit in buccam, id effuderit, dialectici salis ne micam quidem adhibuerit. Atque quod multò absurdius est, neutram propositarum partium exequitur, sed vitiorum nescio quas sordes à grāmaticis vndique corradit, & in cultu (quem à duabus illis partibus diuersum facit) reliquam tantum

capitis loquacitatem consumit, ubi statuit illustrationem: quam tamen figuram non libro facit, nec intelligit hanc illustrationem separati precepti nihil habere, sed ex omnibus & inuentionis & dispositionis & elocutionis partibus fieri posse: & omnia illustrationis exempla, quæ hic adhibet Quintilianus, sunt ex effectis, adiunctis, comparatis, in quibus tam cæcus est, Quintiliā tam à dialecticis inops & defititus, ut artem exemplarū artēm plorum, quibus utitur, non intelligat, quinetiā aliud exemplarū genus pro alio proponat, ut pro Archia, ubi collatio minorum est, similitudinem esse putat, hoc loco, Saxa & solitudines voci respondent, bestiæ sepe immanes cantu flectuntur atque consistunt, nos instituti rebus optimis non poetarum voce moueamur? subiicit illustrationi Ερεχθίων, cuius hoc exemplum quod ponit (Mithridates corpore ingenti perinde armatus) non intelligit similitudinem esse, quam tamen illustrationi proximo modo subiecerat: subiicit illustrationi rursum Emphasim, cuius partē admodum ridiculè figuram, reticentiam, facit. Postremò quicquid potest hic vndique aggregat ἀφελέα, σέινων, φαντασία, εἰδήσασία, ἐπεχειρία, non modo sine arte, sed omnino sine illa artis specie: cuiusmodi capita duo proxima sunt de amplificatione & de sententiarum generibus, Amplificare quorum capitum artem nullam omnino Quintilianus sententiarū intelligit. Præcipit hoc libro de elocutione, at ista genera amplificationum & sententiarum non elocutione vitiosa do- verborum, sed rerum inuentione fiunt: & amplificationū genera, quæ diuersa Quintilianus putat, eadens

ferè sunt. Primum enim & secundum ex uno loco comparationis oriuntur. Incrementum siquidem, cùm ex minoribus ascendit ad maiora, comparatio est, cuius tamen artem Quintilianus ab incrementi arte diuersam putat. Ratiocinatio et congeries artis certe nihil habent: possunt ex omnibus argumentorum generibus accipi. Sententiarum autem genera, quæ Quintilianus recenset, sunt ex contrariis, comparatis, aut figura aliqua, at sine arte illa, imò vero contra omnem artis rationem confusa. O philosophi, o dialectici, & veri rerum iudices, considerate que sunt, & cuiusmodi que dico, quæ propono: pudet enim me, pudet tam putidam, tam insulsam loquacitatem, qualis est, talem dicere ac demonstrare, admonere satis esse existimo. Boni iudicis est ex legū & iuris scientia nosse quibus meritis una quæque res digna sit: factum propono, de qualitate vos statuite. Atque de tribus totius octauī libri partibus duā integrā & quinque capitibus adhuc conturbatae sunt ex grammaticis, dialecticis, & rhetoricis quibusdam, ita tamen ut vel grāmatica, vel rhetorica, vel dialectica artis forma nulla sit. De rhetorica elocutione pollicetur Quintilianus precepta se traditurū, at de troporum & figurarum (quibus tota ars elocutionis bene descripta continetur) arte nihil est institutum. Reliquo libro octauo troporum doctrinam nobis Quintilianus pollicetur. Nanque tropum definit initio & partitur & dialectica methodi viam scilicet aliquando sequitur. Verum si recte iudicare volumus, nihil accurate definit, nihil acutē partitur, nihil via & ordine dis-

ponit. Tropus (ait) est mutatio verbi vel sermonis à tropide finē propria significatione in aliam cum virtute. At tropus in singulis verbis totus est, in sermone coniunctum nihil habet. Nam cùm forma orationis mutatur, figura sunt, non tropi: & quas sermonis mutationes Quintilianus putat tropos esse, docebo suo loco tropos non esse. Quare falsa est primum ista definitio. Quintilianus tropi vitiō troporum genera duodecim facit, metaphoram, synecdochē, metonymiam, antonomasiā, onomatopēiam, catachresin, metalepsin, epitheton, allegoriam, periphrasim, hyperbaton, hyperbole. At quatuor tantum sunt, metonymia, ironia, metaphora, synecdoche, ut planum faciam cum de generibus singulis dixero: falsa item est Quintiliāi hac in parte doctrina, tam excellentem in definiendo, in partiendo dialecticum videmus. Differit primo loco Quintilianus de metaphora, quā non definit: partitur autē sic, ut præfiterit non partiri. Itaque inane eius & ridiculas partitiones omissamus, quod autē necessitatē, aut significationis, aut decoris gratia adhibetur: quasi nō hēc inter se miscētur, & aliqua sit metaphora necessitatis causa adhibita, non etiā significationis. Addit tamen tribus generibus quartū modum ad vitandam obscenitatem, ait: quasi & hic modus decoris gratia non fiat. Omissamus & aliam inertiam similis partitionē, quod metaphora sit ab animali ad animal, ab inanimo ad inanimum, ab animalibus ad inanima, ab inanimis ad animalia: liceat enim partitiones innumerabiles tales cofigere, quæ artis utilitatē nullam prorsus habeant:

& cum metaphora similitudinis pars sit (metaphora enim tropus est ex simili simile significans) cum inquam similitudinis pars sit, quæ non ex hoc vel illo rerum genere, sed ex tota rerum natura sumi posset, tam vanum & inutile est inertes species hic velle conjectari, quam si quis docere conaretur unde genus, unde species, unde contraria, unde denique primi illi dialectici rerum fontes orientur. Hoc primum tropi genus retineo: tot nugas & ineptias, quod hoc loco Quintilianus col-
synecdoche legit, reiicio. Secundum genus Quintilianus Synecdochen facit, & eius multa genera recenset, cum numerus pro numero, totum pro parte, genus pro specie, antecedentia pro consequentibus. & contra sumuntur: quorum ultimum elocutionis nihil est, ut hic,

Aspice, aratra ingo referunt suspensa iuueni:
argumentum est ex adiunctis, unde meridies & nox appropinquare intelligitur, & Quintilianus hæc intelligit, & sciens turbat: reliqua non intelligit Quintilianus uno diuisionis genere contineri, ut recte synecdoche definiatur, cum ex parte totum contrarie significatur. Nam & species pars est generis, & genus totum speciei, & pluralis numerus singulari comparata. Metonymia totum aliquid est parti collatum. Tertiū tropi genus est Quintiliano, metonymia, & definitur nominis pro nomine positio, sed admodum vitiosæ. In omni enim tropo est nominis alieni pro proprio nomine positio: cuius vis est (ait Quintilianus) pro eo quod dicitur, causam propter quam dicitur ponere: at id perpetuum non est: saepe enim tropus hic etiam ex effectis causas, non

solum ex causis effecta, item ex subiectis adiuncta, contrarie significat. Atque ut intelligi possit quam sit ista iners & confusa troporum ars, exempla Quintiliani ad hos quatuor locos referam. Ex causis effecta significantur, cum dicitur, Ceres & Bacchus pro frugibus & vino. nam dij illi earum rerum inuentores & authores singuntur. Contra ex effectis causa significantur, ut Pallida mors, tristis senectus: ideo enim & pallida & tristis, non quia sit, sed quia faciat: ex subiectis adiuncta, ut bene moratas vrbes, pro ciuibus: & homines deuorari, cum eorum patrimonium consumuntur: denique quoties cotinens pro contento, possessor pro re possessa, dominos pro subditis dicimus. Contra vero ex adiunctis subiecta, ut sacrilegiū pro sacrilego, audaciam pro audaci. Quare omnis huius tropi confusio tollitur. Una ista vera definitione, Metonymia, est tropus ex causis effecta, subiectis adiuncta, contrarie significans. Quærit autem Quintilianus similitudinem quandam inter synecdochen & metonymiam, sed fallitur. Itaque in hoc genere veram doctrinam retineo, & artificiose compono, tenebras tollo. Quartū genus tropi Quintilianus antonomasiā facit & definit, quæ aliquid pro nomine ponit, definitione, tropi proximi definitioni simillima. Cōuenit enim tropis omnibus pro nomine proprio aliquid ponere. Haec Quintiliani definitiones sunt eiusmodi, ut nihil definit: sed fallitur etiā grauius Quintilianus. Antonomasia enim (quæ singit) aut synecdoche est, ut Pelides, Tytides, pro Achille & Diomede. Generalia enim nomina sunt f. i.

pro specialibus, aut argumentum quoddam, ut definitio Louis in hoc exemplo,
- diuūm pater atque hominum rex.

Onomato-
pœia.

Item definitio Scipionis in hoc exemplo, Euer sor Carthaginis & Numantiae. Itaque tollatur è tropis hoc genus, quod à ceteris nihil habet diuersum, aut tropus omnino non est. Onomatopœia quintum tropi genus est Quintiliano, ut mugire, sibilare, & similia. At mutatio significationis hic nulla est: nihil enim aliud significarunt unquam hæc nomina, & hæc prima est eorum significatio: non est igitur illic tropus.

Catachresis Catachresin sextū tropi genus facit Quintilianus, & definit, quæ non habentibus nomen suum accommodat quod in proximo est. Verum hæc definitio tropis omnibus conuenit, & Catachresis inter tropos ponitur errore eodem quo Antonomasia. Hic tropus incidit in alios, aut omnino tropus non est,

- equum diuinâ Palladis arte

Ædificant,

metaphora est ex simili simile significans: dura, esto: at concessa tamen: sic enim dicimus & adificare naues, & orationem exadficare, & similia. At dicatur si placet hæc durior metaphora, Catachresis, non recuso: sed intelligatur à metaphora genere ipso nihil differre. Leo pariet, metaphora est satis dura, qualis est parens pro patre, quia parere fœmina est, tamen hoc posterius valde visitatum est: paricida pro interfectori, pyxis pro pyxide cuiusvis materia, synecdoche est: species quippe pro genere: dicatur etiam silu-

bet hæc synecdoche κατηγορια. Conatur tamen Quintilianus metaphoram a Catachresi separare, quod abusus sit ubi nomen defuit, translatio ubi aliud fuit. At utrumque falsum est. Metaphora enim necessitatis causa aliquando adhibetur, ut ipse Quintilianus antea dixit, & Catachresis est aliquando, ubi nomen fuit, ut paricida pro interfectori, parens pro patre. Tollatur igitur genus hoc, aut metaphoræ & synecdochæ, aut omnino alicui tropo subiicitur, separata tropi species nulla dicatur. Atque etiam si vere loqui volumus, omnis tropus Catachresis est: non enim sua significatione & propria rem exprimit, sed abutitur aliena. Septimum genus est tropi metalepsis, & definitur quæ ex alio in aliud viam præstat: quæ definitio omnis argumenti communis est, non propria huius tropi: vitiosa igitur. Atque hæc tropi nullum omnino genus est, & Quintilianus nullum eius usum admundum esse putat. Tollatur igitur, primum quia nulla significationis mutatio est, nec ideo tropus: deinde quia usum nullum habet. Octauum tropi genus est Epitheton, maiore errore huc obtrusum, quam superiora. Quid enim est tam frequens in epithetis, quam propria significatio? calidus ignis, bruta terra, lucidus aer, humida aqua. Aliquando autem mutatur significatio, & metaphora est, ut cupiditas effrenata, neque ideo tamen nouæ doctrina hæc quidquam desideratur: neque quia epitheton est, ideo tropus est, sed quia metaphora, synecdoche, metonymia, aut ironia est. Tollatur igitur ex hac do-

Allegoria. Etrina epitheton. Nonum tropi genus allegoria est Quintiliano, ac definitur inuersio aliud verbi, aliud sensu ostendens, ac etiam interim contrarium: prior pars definitionis huius omnibus tropis conuenit: secunda ironiae propria est. Allegoria autem si fiat ex continuis metaphoris, non est nouum tropi genus, non magis quam si frequens metonymia aut synecdoche continuaatur. Neque enim hic diuersa troporum genera dicentur, sed multæ metonymia, multæ synecdochæ: ita illuc multæ metaphoræ sunt, diuersum genus ne esto. Si tamen luet allegoriam dicere, continuatis in oratione metaphoris, non recuso: sed ne imperite in arte describenda pro genere ponatur quod genus non sit,

*O nauis referent in mare te noui
Fluctus. O quid agis? fortiter occupa
Portum.*

Hic metaphoræ multæ sunt: nauis pro republica, flatus maris pro bellis ciuitibus, portus pro pace. Atque omnes istas metaphoras allegoriam nominemus, generæ à metaphora non separamus. Hoc aliquando obscurum est, enigma dicitur: nomine quidem recte. Enigma autem Quintilianus allegoriae speciem esse putat, & falso putat: cum omnis allegoria ex tropis sit, enigmata multa sint sine tropis, ut hæc, quæ falso inter tropos recenset Quintilianus,

*Dic quibus in terris, & eris mihi magnus Apollo,
Treis pateat cali spatium non amplius vlnas.
Omnia enim propriis verbis nullis modificatis in hoc enigmate explicantur. Et ex omnibus artibus licet*

ignarus & imperitis artium tales obscuras sententias proponere, ubi tropi nihil omnino sit. Allegoriam credit etiam Quintilianus aliquando sine tropis esse, ut apud Virgilium,

*Certè equidem audieram, quæ se subducere colles Incipiunt, mollique iugum demittere cliuo,
Usque ad aqua, & veteris iam fracta cacumina fagi,
O nata carminibus vestrum seruasse Menalcam.*

Quod si verum esset, certè tropus nullus esset, quia non esset mutatio verbi à propria significatione. At metaphora est in verbo (Menalcas) qui pro pastore significatur Virgilinus: allegoria autem nulla hic est, sed historia vera verbis simplicibus narratur. Subiicit Quintilianus allegoriae ironiam, in quo labitur. Ironia enim ipsa tropi genus est separatum. In omni allegoria significatur ex simili simile: in ironia significatur ex contrario contrarium. Subiicit errore multò maiore, οφεισθαι, αποτροπεια, παραπάτησις, μοντελοποίησις. Neque enim tropi hic quidquam est, cum verbis propriis hæc omnia decidi possint. Decimum tropi genus periphrasis Quintilianus facit. At periphrasis omnibus propriis verbis effici potest: nec idcirco tropus ullus est omnino, sed argumenti genus ex dialectico definitionis loco. Undecimum genus hyperbaton facit Quintilianus, Hyperbaton in quo cum significacionis nulla mutatio sit, nullus etiam tropus erit: & siquid in rhetorica elocutione de hyperbatō dici potest, in compositione commodi simē dicetur, cuius gratia verba alia differenda, alia præponenda sunt. Duodecimum genus & postremum hy-

Periphrasis

yperbatō

f. ij.

perbolem facit Quintilianus, quæ si in verbo est, metaphoræ quidem fere est, significans ex simili simile: sæpe etiam metonymia: sed in quo etiam maius inclusum est, si res amplificatur, ut volitare gloriae cupiditate, ut scelus pro scelerato: aut minus si extenuatur, ut veri ac fortis tribuni plebis stridorem perferre non posset. Hyperbole autem si in verbo non est, ex omnibus argumentis accipi potest, & ideo tropus non est. Quamobrem ex duodecim generibus à Quintiliano in hac doctrina cōfusis, antonomasia, onomatopæia, metalepsis, epitheton, allegoriae tot species (ironia excepta) periphrasis, hyperbaton, & extra singula verba hyperbole tropi non sunt. Neque hīc Quintiliani diligentiam desidero, qui pro paucis generibus troporum, tot nugarum genera cumularit, sed iudicium & prudentialiam desidero: qui si hunc rūnum syllogismum confidere potuisse, nunquam tam multa confudisset:

Tropus omnis est mutatio significationis:

3
Antonomasia, onomatopæia, metalepsis, epitheton, tot allegoriæ præter ironiam, species, periphrasis, hyperbaton, hyperbole extra singula verba, significationis mutatio nulla est:

Quare tropus non est.

Si inquam, Quintilianus ex definitione sua conclusio nem hanc efficere potuisse, nunquam in istam ignorantiam atque inertiam incidisset. At dialectica (quam suis scriptis tantopere confudit) vehementer illi defuit. Atque etiam ut intelligi certius posset, quatuor tropi quae esse tantum troporum genera, metonymiam, ironiam, tuor.

metaphoram, synecdochen, causam planius & apertius ex locis dialectice inuentionis explicabo.

Omnis mutatio propriæ significationis ex causis ad effecta, subiectis ad adjuncta, dissentaneis ad dissentanea, comparatis ad comparata, toto ad partem, contrāue, est metonymia, ironia, metaphoræ, synecdoche.

Metonymia enim est mutatio significationis ex causis ad effecta, ex subiectis ad adjuncta, contrāue: Ironia ex dissentaneis ad dissentanea: metaphoræ ex comparatis ad comparata: synecdoche ex toto ad partem, contrāue.

Omnis autem tropus est mutatio propriæ significationis in verbo ex causis ad effecta, subiectis ad adjuncta, dissentaneis ad dissentanea, comparatis ad comparata, toto ad partem, contrāue.

Nam reliqua rerum (quæ videntur significari posse dictione simplici) genera nihil habent ab illis distinctionem. Nam coniugata & notatio circumstantiæ sunt nominis, non rei significatae. Definitio & testimonium simplici dictione non significantur.

Omnis itaque tropus est metonymia, ironia, metaphoræ, synecdoche.

Veruntamen fallor fortasse, & inconsiderato inuestiganda Veritatis studio inductus longius progredior, tia tropi & quam fines dialectici sinceriique iudicij postulent. Troporum genera Quintilianus duodecim fecit: ego duntaxat quatuor instituo: antonomasiæ, metalepsin, epitheton, allegoriæ tot (excepta ironia) species, hyperbaton, in coniunctis verbis, hyperbolæ tropes esse non f. iiiij.

De differen
tia tropi &
figura ex
mono libro.

puto: quia in his à significacione propria dictio nulla necessario mutetur. At Quintilianus tropum distinguit initio noni libri à figura, idg. tam sapienter, vi omnes troporum propositæ species retineantur. Tropus est dictio ab eo loco in quo propria est, translatata in eum in quo propria non est, ait, figura est conformatio quædam orationis remota à communi, & primum se offrente ratione. Hac tropi & figura differentia est à Quintiliano posita: Vera, certa, necessaria, fateor. Ornamen natus enim elocutionis, est mutatio dicendi à proprio & vulgari modo ad elegantiorum quendam & præstantiorem: Iisque duplex est in uno verbo tropus, in oratione figura dicitur: hoc verissimum discriminem est. verum Quintilianus in hac tam vera sententia constanter permanere non poterit. Iustum discriminis syllogismum, istud tam firmum iudicium captione nescio qua mox inducit. Syllogismus enim discriminis ita est,

discriminum Tropus est mutatio dictionis:
Figura non est mutatio dictionis, quia est orationis mutatio:

Figura igitur non est tropus.

verius, inquam, hoc syllogismo & constantius nihil esse poterat. Quid igitur Quintilianus? Hunc syllogismum captiose paulò secus repetit, & plurali numero sophisma instituit. Definit paulò antè tropum dictionem translatam à proprio loco: vidit igitur antonomasiam, allegoriam, hyperbolam plerunque, periphrasim in dictione singulare non esse. Alter igitur loqui instituit, & ita ratiocinatur,

In tropis ponuntur verba alia pro aliis:

In figuris non ponuntur verba alia pro aliis: nam propriis verbis figura fieri potest:

Figura igitur tropi non sunt.

Propositionem inductione conficit:

In tropis ponuntur verba alia pro aliis.

vt in metaphora, metonymia, antonomasia. At Quintiliane quid agus: hac antonomasia non est dictio translata à proprio loco, ut eloquentia Romana parens pro

*Saka Indi
Antoni
marian
et Trop*

Cicerone, diuum pater atque hominum rex.

pro Ioue: oratio enim non est dictio. Tropus igitur non est. Tum vero Quintiliani captiose isto & posteriore syllogismo Quintilianum conuincam: assumit enim in figuris non ponit verba alia pro aliis, quia omnia propria possint esse. At in illa Quintiliani antonomasia (eversor Carthaginis atque Numatiæ) omnia propriis verbis exposita sunt. Quare utroque Quintiliani syllogismo antonomasia è troporum genere secernam. sed reliquam istam inductionem videamus, quemadmodum in tropis ponuntur verba alia pro aliis. Metalepsis si verbum pro verbo ponat, metonymia, ironia, metaphora, aut synecdoche est. De catachresi & allegoria satis diximus, quomodo tropis subiicerentur. Onomatopœia pro alio ponitur (ait Quintilianus) quo usi fueramus, si illud non fingeremus. At quibus verbis, o Quintiliane, teremur in affectionibus animalium propriis exponendis, si ista non fingeremus, ridere, ululare, boare? Cuiusmodi igitur ista est ratio,

¶ quām à dialectico iudicio inops & aliena? Periphrasis vicitur pluribus pro uno (ait Quintilianus) ergo tropus est. Quid est? quomodo hīc Quintiliane iudicas? quām longē à definitione tua discrepas? At longē aliter concludo & iudico, longē alium syllogismum conficio.

Omnis tropus est dictio à significatione mutata: Periphrasis non est dictio à significatione mutata: Non est igitur tropus.

Considera Quintiliane, quām illa tua fallax, quām sit ista constans & firma conclusio. Epitheton (ais) conjunctione Antonomasia sit tropus. At nec Antonomasia, nec Epitheton tropus est: Vttere tuo aduersus te iudicio, Vttere tuo syllogismo.

Tropus est dictio mutata à significatione: Epitheton sape proprium est, nec mutatam habet significationem.

Epitheton igitur tropus non est.

Atque hoc syllogismo omnes falsas troporum species à Quintiliano in hac doctrina confusas tollo & abiicio. Laborat tamen Quintilianus in hoc primo noni libri capite vehementer: quæstiones sibi obiicit, quas dissolue non potest: vult rhetorum Graecorum & Latinorum opiniones retinere: Videt tamen definitionibus exempla non cōgruere: tandem Gordium hunc nodum, " quem soluere non potest, quasi frangit. Figuræ, inquit, " & tropi nomine sape eadem sunt, & habent Valde " scrupulosam disputationem, sed ea nihil pertinent ad " præsens institutum. Imò vero o^{rum} Quintiliane, nomine

¶ definitione, & genere omnino distinguuntur tropus & figura: & si Verum sequi potuisses, nunquam tam ambitiose diligens videri voluisses: non esset ista scrupulosa tua disputatio. Significationes figura & definitiones varias Quintilianus colligit. At vñica vera & propria & perspicua definitio pro tot nugis satis esset. Figurarum genera duo facit: reprehendit eos qui pauciora, & qui plura genera facerent. Utinam graecanica ista vanitas tibi paulo remissius Quintiliane placuissest: Artes constare debent vtilium & constantium institutionum traditione, non omnes hominum errores & vitia colligere. Quaris deinde qui numerus Ciceronis in cuique subiiciatur: Duos ad verbū Ciceronis magnos figuris in locos recitas inter se etiam dissidentes. Oratorio enim constantia tertio quadragesima tres verborū figure à Cicerone afficiuntur: in oratore tamen tantum ab eodem septendecim ponuntur. Figuræ sententiariū illic quadragesita octo, hīc quadragesita quinque. Verum quid citatus hic Cicero doctrinæ nobis adfert, inconstans præsertim & à seipso dissentiens? Excusandus credo tibi Cicero fuit, quia tu ab eo dissensurus es. At Quintiliane, quomodo seipsum Cicero in oratore excusauit, cùm à se oratorio tertio dissentiret? Quām vero non decet Quintiliane in arte describenda errorem cuiusquam & falsam opinionem defendere, ut veritatem interim deseras & prodas? Ut discipulos (quos instituendos suscipis) fallas & decipias? Reprehendis rhetoras quosdam, qui figuræ affectus esse dicent: hoc item dicit Cicero, cùm figuræ facit, iracundiam, execrationem,

conciliationem. Cicero tamen tibi peccasse nihil videatur: vetat enim tanti hominis, opinor, authoritas id libere profiteri. O iudicem Verecundum & humanum! At mallem dialecticum, mallem constantem, mallem verum. Secundo capite sententiарum figure tractantur à Quintiliano: figura tamen sententiae quid sit, non definitur. Est autem in absoluta sententia totius orationis conformatio, & ideo mutatis verbis etiam ma-

Figuraru
quedam ar-
tificiose de-
scriptio. net: cum generu littera qualcum habeat, inveniatur, et con-
muniones tamen quedam ipsarum inter se figurarum
notari possunt. In interrogatione enim et responsione
sunt permulta (Interrogationem illam dico, qua peti-
tur aliquid et queritur) in interrogatione igitur so-
lum, qua petitur aliquid, est optatio, deprecatio, ad-
dubitatio, communicatio. In responsione permisso, con-
cessio continetur: in utroque genere prolepsis et subie-
ctio: in fictione prosopopoeia, et apophysis: in abru-
ptione digressio, auersio, reticentia, correctio: in am-
plificatione exclamatio, sustentatio, licentia. Ita spe-
cies artis adumbrata quedam in hac doctrina dicere-
tur. At Quintilianus non definit figuram sententiae,
non partitur: sed suo more, ut superiora, ita sequen-
tia hac permiscet et confundit. Numerat in figuris
interrogationem et responsionem, et affectibus distin-
guit: cum tamen nec interrogatio, nec responsio, nec
affectus ipse figura ex se sit, quāvis in his figurae que-
dam notentur. Possunt enim haec omnia esse auxiliaria,
id est recta et sine figura, subjectionem Quintilianus
vocat, cum nobis ipsis respondemus, a qua putat prole-

psim genere diuersam esse: at fallitur, quia in omni prolepsi est interrogatio quedam & interrogationis restosio, quae subiectio est. Non persequar factos à Quintiliano prolepsis modos, quales licet innumerabiles in omnibus figuris fingere, sed sine doctrina, sine usu. Miserit hinc etiam correctionem: ut, Quanquam illa Correclio. non pena, sed prohibitio sceleris fuit. At correctionis alia ratio est, & à prolepsi distincta. similis est error in addubitatione, cōmunicatōne, permissione, concessione: illa enim duæ primæ figure in interrogatione, duæ secundæ in response perpetuo sunt. Addubitando enim & communicando querimus utique ali- quid, & rogamus: in permissione & concessione quasi quæsitus aliquid sit & rogatum, ita respondendo per- mittimus & concedimus. Sunt item in querendi quo- dam & rogandi genere optatio & deprecatio, de qui- bus nullum verbum Quintilianus facit. sustentatio sicut & exclamatio & licentia, figure in amplifica- sustentatio. Exclama- tio. tione semper occupatae sunt. At duas postremas tollit Quintilianus è figuraru genere & numero. At quia forma sunt dicendi à communi & vulgari consuetu- dine remota, figure sane erunt. Huc aggregat sine no- mine figurā augendis affectibus accommodatas. At nec affectus, nec simulatio figura est: Ironia enim tro- pus est, non figura. Est enim mutatio significationis à dissentaneo ad dissentaneum, vel in his exemplis que recēset in his figuris Quintilianus. A quo repudiatus, ad sodalem tuum Virum optimum M. Marcellum de- migrasti. Ironia est in solo verbo (optimum) non in ironia.

tota oratione. *Quinetiam in aliis exemplis idem est. ut pro Sylla, Nisi paucos fuisse arbitramini, qui conari aut sperare possent se tantum imperium posse delere.* Ironia enim est in verbo (paucos) possunt autem ironie multæ coniungi: *ut in Clodium, Integritas tua te purgauit, mihi crede, pudor eripuit, vita anteacta seruauit: & tamen tropi multi sunt, ut in allegoria, non figura una. In abruptione figure sunt, digressio, aduersio, reticentia, correctio. At correctionis separatim (ut dixi) mentionem nullam Quintilianus facit. Illustratio, ILLUSTRATIO mentionem figuram putat, initio tamen capitilis huins in Cicerone figuram non putauerat, cum Ciceroniana illa lumina numeraret, quæ ipse figuram non censeret.*

Concessio. Concessio. Concessio.

Figura vero non est, sed potest ex omnibus & argumentis & figuris fieri. Concessionem, confessionem, confessionem tres figuram Quintilianus genere distinctas arbitratur: ego genus unum, duo summum puto, & concessioni valde finitimam esse concessionē video. Contrā ἀποστολαν separata prosopopœia Quintilianus.

Emphasis. At separari nullo modo potest. Corollarium vero tantum capitilis (quo de figuris sententiarum dicitur) in Emphasi oratione longissima cōsumptum est, quæ est, cum ex aliquo dicto latens aliquid eruitur. At hoc Quintiliane ratiocinationis cuiusdam & conclusionis est, figura nihil. neque enim est noua orationis forma, sed vis quadam cogitationis solers & acuta. Atque hoc genus, ut ex Quintilianni verbis constat, in scholis rhetorum tum maxime cerebatur. Tandem vero ne negligens videretur Quintilianus fuisse, aut non omnes

ineptias hominum in has institutiones contulisse, præter figuram probatas, & præter Ciceronis figuram iam memoratas, colligit tres & quadraginta nouas figuras. Quamobrem? ne ut iudicium & prudentiam locis omnibus à Quintilianu, sic diligentiam require possemus. Laborauit, inuestigauit, legit, animaduertit, cumulauit denique quamplurima: at bona, utilia, vera, propria iudicare & secernere non potuit: initio libri huins tropū à figura separare non potuit: imò vero non potest hic figuram definire, non potest figuram à non figuris se iungere. Instrumento uno Quintilianus caruit ad artis institutionem, maximè tamen necessario: syllogismus, syllogismus inquam, imò vero etiam methodus ei valde vehementerque defuit. Versatus sit in fortis annos, in ludo iuuentutem exercuerit: at docendi artem non tenuit: aut certè in his libris non adhibuit. Veruntamen figura verborum reliqua sunt, & magis Figure etiam confuse, quam sententiarum figura fuerunt: ad verborum eas igitur accedamus. In his vero tantam confusionem non apud Quintilianum solum, sed omnes rhetoras video, ut maior nulla adhuc fuerit. Nihil est arte tractatum, non definita in uniuersum verborum figura, non generum distributio facta, multæ pro figuris non figura sunt admistæ: exemplis species eadem, tanquam tamen diversæ sunt distinctæ: denique, quod caput confusionis est, non modicum, figura nominibus inter se apud artis huius authores tam confusa sunt, ut aliae aliarum nominibus plerunque sint appellatae. Sed nunc de Quintiliiano, qui tertii capitilis initio

dicit figuras s^epē mutari, quod verum est: tum vero
quale est, quod Quintilianus ait ad hanc probationem:
» Veteres, ait, & praecep^te Cicero, dicebant inuidere
» hanc rem: non huic rei. At Quintiliane, non solum
isto modo Cicero non loquitur, sed male etia^m Latinè ab
Actio carmē illud cōuersum profitetur in Tusculanis,
Florem liberū quisnam inuidit meū?

*Quintilia
nus Cicer
niane di
ctioris
ignarus.*

Atque hic locus admonere nos potest, quam negligenter in Ciceronis lectione sit hic homo versatus, qui non modo Ciceronis dictionem & phrasim imitadā sibi nullam proposuit, sed nec obseruauit quidem, aut animaduertit qualis esset. Duo genera figurarum in verbis Quintilianus deinde facit, grammaticum & rhetoricum: nec *v*squam meminit eius questionis, quam explicādam suscepit. Rhetoricas institutiones suas appellat: at debuit appellare grammadilecticas, quia in his grammatica, dialectica, rhetorica confunduntur. Doceat enim grammaticus grammaticas, rhetor rhetoricas figurās: non misceantur in rhetorici grammatice: & aliquando tollatur bella ista defensio, Necessarius est *v*sus harum figurarum oratori, propterea hic traduntur: potest enim orator etiam his *v*tī, cum à grammaticis didicerit: sed tamen quæ sunt hæ grammaticorum figurae, quas hic sibi confundendas Quintilianus existimauit? In his enim tam malum grammaticum Quintilianum fuisse conuincam, quam malum rhetorem esse adhuc docui. Metaphasmi ferē volantur à grammaticis, quando in oratione genus generi, numerus numero non respondet: partes aliae pro aliis

ponuntur. In quo denuo Quintilianus indicat non modo Ciceronis, sed nullius hominis phrasim sibi propositā fuisse. Facere contumeliam à Cicerone reprehendi notum est (ait) affici enim cōtumelia dicebant. Verūm Quintiliane, Plautus & Terentius facere contumeliam ante Ciceronem dixerunt: Tu contumeliam alteri facias, tibi non dicatur, (ait ille) Hic autē, Tu nouo modo ei faceres cōtumelias: & quāvis *v*sitatis esset, contumelia afficere, quam contumeliam facere: attamen etiam Latinè dicebatur, cōtumeliam facere: & in reprehendendo Antonio cupiditas paulo longius Ciceronē pro-daxit. Ergo Quintilianus in elocutionis & phrasis generere rursum labitur. Similes deinde Quintiliani lapsus sunt: ut *v*etus *v*eritas obsoleta exempla notat in Virgilio,

*v*el cūm se pauidum contra mea iurgia iactat.

Progeniem sedenim Troiano à sanguine duci.

Quasi vero non similiter etia^m *v*troque Cicero, *v*enust^e scilicet & *v*state sit *v*sus, *v*el quod est in eodem decreto scriptū (ait pro Flacco) Sed enim non solum ingenij, sed etiam naturæ atque virtutis (ait pro Archia) Immiscet deinde Quintilianus inter figurās grāmaticas de figuris sententiārum Apostrophēn, que tamen antea tradita suo loco inter figurās sententiārum fuerat. Atque totus hic de grāmaticis figuris tam confusus locus, Quintiliani dialecticam valde demonstrat. Redit deinde à figuris grāmaticis ad rhetoricas figurās. Primum earum genus facit per adiectiōnē, & figurās enumerat repetitionis sine nominibus, ἐπίθεσιν, ἐπαγάλψην, ἀγαθότητην, ἐπίστροφην, συμπλοκήν.

sic enim quidam nominant: confundit inter eas πολύων, & gradationem, quæ duæ commutationem habent: non adiectionē & asyndeton, quæ detractionem habet, non adiectionē: conturbat etiā multa de congerie, quam μεταλογίαν vocat, & de dissipatione, de synonymia verborū & sententiarum: qua figura specie per se nullam obtinent. Secundum deinde genus sequitur, quod detractione fieri Quintilianus dicit: in quo species quinque enumerat, εμέψυ, quæ metaplasmus est in poetis magis aliquando permisus, quam in qua illa in oratione laudatus, tatum absit ut figura sit. Asyndeton, & οὐεξέγμενον grammatica magis, quam rhetorica figura adduntur. Tum οὐοκένως, & οὐεξέσοδη, quarum illa res contrarias coniungit, hæc similes discernit: quod elocutionis nihil est omnino, nec ideo figura quicquam. Tertium genus triplex additur ex similibus, paribus, contrariis. At tota ratio contrariorum argumenti est, elocutionis nihil est, id eoque figura esse non potest. In primo similium genere, οὐεξωμασία figuram facit ex eo schemate quod antea πολυπλοκῶν appellavit: ut mulier rerum omnium imperita, in omnibus rebus infelix. Hæc enim casuum varietas πολυπλοκῶν est. παρωμασία pro correctione item hic confundit: ut quæ lex priuatis hominibus lex esse non videatur. Misceret etiam αὐτανάχασιν, ut filius ad patrem, Non expecto pater mortem tuam. Et pater cōtrā filio, Imo rogo expectes: ubi figura nulla est, sed sarcasmus ex ambigua verbi significazione. Illic enim expectare significat desiderare, hīc vero prestolari.

Atque his duobus nominibus τις οὐεξωμασία καὶ παρωμασία, cum nihil significetur, nisi figura ea in qua verbum paululum immutatum atque deflexum varia significazione usurpetur: ut, Non emissus, sed immissus: non orator, sed arator, quæ breuiter & perspicue posset explicari, cum, inquam, nihil aliud significetur, hīc tamen ἀριστονομία oratio & ineptissima confunditur, ut nihil tamen noui doceatur. Quatuor deinde similium genera à Quintiliano proponuntur, οὐεξέσοδη, οὐοιπέλθον, οὐοιόπλον, ισοκλον, cum primum & quartū idem sit, & utrumque siat è paribus membris, nec quicquam differant. οὐοιπέλθον etiam falso putat Quintilianus esse in his exemplis, vicit pudorem libido, timorem audacia, rationem amentiam: nisi forte in duobus postremis membris. postremam è figuris verborum facit αὐτίδετον, in eoque fallitur: argumentum enim figura non est, αὐτίδετον autem ex dissimilibus argumentum est: non igitur figura. Colligit Quintilianus ad extrellum omnes rhetorum ineptias & nugas, ne credo parte aliqua institutionis rhetoricae diligentiam Quintiliani positius, quam prudentiam requireremus. Separat tandem Quintilianus à figuris compositionem, sed ineleganter admodum & inconsideratè. Quid enim est figura Quintiliane? Conformatio (ais) elocutionis remota à Vulgari consuetudine: At, inquam, compositionis & numerus est elocutionis conformatio remota à Vulgari consuetudine: Est igitur figura. Hanc autem syllogismi conclusionisque regulam si didicissemus Compositio: g. q.

si adhibuisses describēd& artis & componēd& doctrine legem, Quintiliane, ista tam inconsideratē nunquam effudisse. Mirabile verò rhetoris huius ingenium est: praecepturus enim de compositione Quintilianus nō definit initio, deinde non diuidit, sed logissimo exordio utitur & verbosissimo, ubi ratio doctrinæ nulla est, quemadmodū antea fecit in capite de ornatu. Exordio tādem concluso sequitur cōpositionis doctrina, in qua tres primū diuisiones ineptissimæ collocantur: prima est orationis in iuncta & solutam. Quid enim Quintiliane? Recipit te de virtutibus elocutionis praecepta positurum, & hic tamen ex compositione virtutis & vitiij elocutionem distribuis, ut alia composita sit, quod est laudis & virtutis: alia incomposita, quod est vituperij atque vitiij. Corrigis tamen te, & ait in sermone & epistola numeros laxiores potius esse, quam nullos, ut oratio cuiuscunque generis sit, composita esse debeat: quod sane tam verū est, quam de reliquo orationis ornatu. Tropi quidem sunt & figuræ in omni oratione, sed pro rerum quæ tractantur, & personarum quæ docentur, ratione ornatus augetur, aut minuitur. Secunda diuisione est in iōuata, ῥητ̄a, μελοδ̄a, quæ diuisione compositionis non est. Potest enim oratio his omnibus partibus esse distincta, et tamen ineptissimè composita.

Compositio-
nis virtuosa
partitio.

Atque tota illa consideratio grammatica est, cum in orthographia grāmatica docendum sit, quomodo puer orationem interpunctis diuidere, & quibus modis debeat distinguere. Tertia partitio omniū stultissima est, partitio vi-
tiosa.

Compositio-
nis virtuosa
partitio.

partitio vi-
tiosa.

iuncturam, numerum. Primum compositio ipsa & numerus idem plane est: siquidē oratio numerosa & composita eadem est, nec illa est composita, non numerosa, siue contraria: et si quicquam de reliquis partibus ad compositionem necessarium dicitur, id ipsum cōmodissime in numero diceretur. Ordo vero de quo praecepitur, hic à Quintiliano falsus est: neque crescere debet perpetuò oratio, ut ait Quintilianus, sed cū minuendi gradus pares sint amplificādi gradibus, quoties extenuanda res erit, toties decrescat oportet oratio. Est & alius naturalis ordo (ait Quintilianus) ut viros & fāminas, diem & noctem, ortum & occasum dicas potius, quam retrosum. Veruntamen siquid ordinis ista dignitas ut plerunque obseruanda est, certe de rebus ipsis, non de verborum ordine obseruanda est. At plerunque tempus quod sequimur contra est: Fratres gemini dicendum (ait Quintilianus) non gemini fratres. At Linus (cuius lacteum candorem tantopere hic ipse magister admiratur) primo libro ait geminos fratres, & ter geminos fratres. Tā prolixa vero de ordine partium orationis altercatio valde ridicula & inepta est, qualis est in iunctura de hiatu vocaliū & asperitate consonantium: ubi valde miranda est Quintiliani negligentiā dīca an ignorantia nescio. De vitiis differit quæ de vocalibus & consonantibus in compositione possunt accidere: de virtutibus, quæ sunt huic necessario exprimenda, verbum nullum facit. Ex literarum enim naturali bonitate magis, quam ex temporum in syllabis dimensione omnis singularum dictiōnum &

grauitas, & incunditas, & splendor, & obscuritas, & magnificantia, & subtilitas, atque omnino omniū numeri virtus oritur. Nec satis est monere, qui pedes numerum suauiter instituant, qui concludant. Multum enim interest quae sint in pedibus longae aut breues vocales. Longae fuerint prima & tertia vocales, an nihil interesse inter triusque sonos arbitramur? an nihil accessionis fieri ad vocalium sonos ex confondantium coniunctione iudicamus? Imo vero potest numerus aliis alio. vel gravior, vel ingravior esse, nec ista per syllabas distinctio temporum, sed vocalitas, sed & quæcunque numerū efficiet. De tertio tandem compositionis membro, quod tradit Quintilianus, quomodo rhythmum diuidit? Rhythmus (ait) par est ut dactylus: aut sexcuplex, ut paen: aut duplex, ut iambus. O partitionem & ineptam & insulsam! Primum quid utilitatis habet ista partitione, etiam si vera sit? quæ pars deinde compositionis, quaratio doctrinæ refertur ad istam parium, sexquiplicum, duplichum comparationem? nulla omnino. Deinde vero quam est ridiculum & insipidum sic partitionem informari, ut plures partes relinquis, quam complectare? At maiorum rerum cum minoribus collatio quinque differentias habet: πολλαπλαισιον, unde duplex est ratio: ομηριον, unde sexcuplex: ομηρη, πολλαπλαισιεπιμελον, πολλαπλαισιεπιμερη: de quibus tribus postremis generibus nihil hic attingit Quintilianus, & primi generis unam tantum attingit, cum sit eiusdem generis amphibrachys & breui, longa, breui: habet enim rationem multipli-

Numerus.

Peduratio
sa partitione.

cem triplam, & dochimus, cuius postea Quintilianus meminit è breui, duabus longis, breui, longa, si medio spatio diuidatur, rationem efficiet ομηρη. Quare tota ista partitio explodenda plane est, & ad Aristotelis (a quo videtur Ciceroni & Quintiliano reperta) sophisticas argutias referenda. Verum perge: singulares sunt deinde metri & rhythmi differentiae, quas Quintilianus instituit. Metrum, inquit, constat ordine, rhythmus spatio temporum: ideoque hic qualitas est, illud quantitatis: quasi vero nullus sit ordo in prosa oratione, & non intersit plurimum longene, an breues sequantur. Secunda differentia prima sapientia par est. In rhythmo indifferens est (ait Quintilianus) dactylus ne ille priores habeat breues, an sequentes: in verso pro dactylo ponit non poterit anapestus aut spondens. Quid ergo Quintilianus si nullus est in oratione ordo syllabarum longarum & breuum, nec refert an tres syllaba (quarum una longa sit, duæ breues sint) faciant anapestum, an dactylum, quid est quod postea tam multa de ordine longarum & breuum in pedum coniunctionibus commentari? quorsum tot obseruationes tuæ, si nihil interest, præcedant breues an longæ? Aliæ duabus his differentiis sequuntur similes differentiae, quod metrum sit in verbis, rhythmus in corporis motu: quasi vero versus ille,

sic fatur lachrymans, classiq. immittit habens, potius in singulis verbis, quam in uniuerso sex pedum numero concludatur. O doctorem doctrinæ, quam profiteris, expertem! Verum tot ineptias omissamus, & ca-

Rhythmi
& metri dif-
ferentie ri-
diculae.

Summa tera consideremus. vitaueris in soluta oratione carmen perfectum, & initio orationis initium carminis, & in fine, fine: ex omnibus & omniū generum syllabis, sed doctrina. variatio & moderatis orationē componere licebit. At Quintilianus Aristotelem & Ciceronē sequutus, vanisimas artes nobis explicauit. Pedes dissyllabi sunt numerispe quatuor, trissyllabi sunt octo. Quid tum? Ex his species cies inepit. a Quintiliano colliguntur. numerorum quadraginta Quintilianus efficit. Verum quām ridiculē atque inepit! Nam in hac obseruatione non solum eundem numerum modis pluribus inutiliter obseruauit, sed sibi ipsi plerūque repugnauit. Nam si per quatuor extremas syllabas, quod Quintilianus etiam hīc interdum facit, numerum distinxeris, & ultimā pro indifferenti (quod eidem etiā placuit) sumperaris, certè omnes Quintilianī obseruationes tam variae ad octo redibunt, atque aliis ali& repugnabunt. Affirmat Quintilianus numerum ex paene primo & spondeo vitiosum esse in clausula, ut, Brute dubitauit. At eundem mutata obseruationis specie laudat. Accipiet (aut) ante se choreus & pyrrhicium, ut, Omnes proprie cives virtute, gloria, dignitate superabat. Sex enim postrema syllaba in utroque exemplo parem numerum habent, cum sit ultima Quintiliano indifferentis. Duo spondai (ait Quintilianus) non ferē coniungi patiuntur, quod tamen Cicero in Crasso probauit, & Quintilianus ipse in tribus aliis obseruationibus laudauit, molossus & palimbacchius optimè claudunt. At ultima indifferenti tres spondai hīc coniunguntur, ut patet etiam Quintiliani exemplo. Et spinis respersum.

optimè claudit (ait idē) bacchius & palimbacchius, spondaeus & choreus. At ultima indifferenti posita, spondai item duo postremi sunt. Tanta caligo rhetoris huius menti offusa est, ut non modo nugatorie sāpius idem repeatat inutiliter, iterēque, sed sibi ipsi contraria repugnantiāque dicat: ita sine dialectico syllogismo, sine iudicio his in rebus versatur. Longissima reliquo capite oratio consumitur, quis modus compositionis sit, quomodo eius iudicium penē naturale totum sit, quod verum est: tum de incisorum, membrorum, periodorum, historiæ, exordijs, narrationis, confirmationis, epilogi compositione, quod est sanè perridiculum. Definitur à Quintiliano incisum, sensus non expleto numero conclusus, quasi verò incisi ratio pendeat ex numero, ut si numerus expleatur, aut non expleatur, idcirco incisum esse, aut non esse necesse sit, & in incisis non possit non plenus esse numerus, nec tamen incisa esse desinat. Citat Quintilianus à Cicerone exempla, & cum eo errat, Domus tibi deerat? at habebas. Pecunia superabat? at egebas. Verum ego hīc membra quatuor video, non incisa quatuor. Simili errore in membrorum & periodorum doctrina vagatur Quintilianus, nec ex eius oratione sciri potest, quid horum quicquā sit. Dicam verò, quoniā ipse non dicit, incisum, est imperfecta sententia: membrū, perfecta quidem, sed alio tamen relata sententia: periodus omnino perfecta atque absoluta, ut syllogismus omnibus ex partibus constans periodus est: Propositio, assumptio, complexio membra, que si uno verbo sententias complectantur alias, incisa sunt: ut hīc,

Vna Eurūque, Notūque ruunt, crebēque procellis
Africū,

Incisatria sunt: periodus itaque aliquando breuior
erit, vt

Nihil sapienti præter culpā in vita præstandū est.
Atque in his orationis formis, sicut in compositionis
partibus tam multa quæ fabulatur Quintilianus, nul-
lam doctrinæ rhetoricae micam habent, sed inanē pom-
pam, & sophisticam ostentationem nescio quam: ut
imperiti discipuli magistrum talem admirarentur, ab
eo doctrinam nullam consequantur. Quamobrem vi-
demus in capitulo huius tam prolixa confusione quam
multa Quintilianus peccauerit: exordium libri instar
sine arte, definitio huius artificij nulla, partitiones ri-
diculae & viciose: numeri poetici & oratory inepta
differentiae, numerorum obseruationes confusissima &
inertiissima sine certa argumenti ullius scientia, sine
ulla sillogismi prudentia mera ferè ac perpetua nuge.

In librum decimum. Decimus liber descriptæ artis exercitationem quan-
dam demonstrat. Primo autem capite longissimo illo
quidem, eloquentiæ habitum, id est ēn parari legen-
do, scribēdo, dicendo præcipit Quintilianus. De legen-
do itaque totum primum caput est, de scribendo qua-
tuor proxima, de dicendo reliqua duo. Atque primo
illo capite disputat Quintilianus, tametsi orator veras
causas agendo eloquentiæ candidatū excitare multum
potest, scriptæ tamen orationis lectionē certioris esse iu-
dicij & maioris fructus. Quemadmodū Cicero cùm re-
uersus Athenis, decem annos perpetuos (vt ex scriptis

Auditio
melior le-
ctione.

eius obseruauit) quotidie in foro, in curia, in rostris o-
ratores audiuit, legit etiam interim scriptas oratorum
varias orationes. Quintilianus igitur existimat le-
ctionem eiusmodi, quam auditionem vtiliore esse. At
vehementer hic ab eo dissentio, & exerceðæ artis huīus
eum rationem ignorare contendō. Rhetorica enim sicut
dialectice & cuiusvis exerceðæ artis ratio duplex
omnino est, ἀνάλυσις & σύνθεσις. Primum enim est de
artis usum in propositis exemplis cernamus, deinde si-
milia his effingamus. vt igitur præcepta artis melius
cognoscuntur audiendo diligēti & erudito doctore, q̄
eius legendo libro: sic usus præceptorū primum melius
audiendo, q̄ legendo exercetur. Recens est & infirma
artis cognitio, quæ facilius multò alio ducente, & viā
indicante sequitur, q̄ per se progreditur: multa & tro-
porum & figurarū & omnis elocutionis exempla rudis
& nouitius discipulus dicente Cicerone perspiciam su-
bito & admirabor, quæ in scriptis eius orationibus vix
multa obseruatione tandem deprehēderem. Neque ta-
men in veris causis duntaxat oratores ad hanc exerci-
tationem audiri iubeo, sed magistros orantes in schola
suis exemplis hic praire volo, vt nō solum discipulis bene
dicendi artem ex pictis præceptis ostendant, sed multò
magis usum viuis exemplis aperiant: quod idem ferè
paulo post in imitatione Quintilianus docet. Da mihi
rhetore non solum docendi, sed etiā dicendi peritum.
Da Ciceronem qui Cælio, qui Dolabellæ, qui Hircio, qui
Panæ, qui Crasso, qui multis aliis fuit, an non ru-
dem eloquentiæ discipulum melius audientem docebit,

quām eius orationes docerent? Hac igitur scholastica auditio prima sit, deinde omnibus locis oratores omnes audiuntur. At in lectione firmius iudicium est (ait Quintilianus) Credo scilicet discipuli iudicium firmius esse solum, quām si iudicio praeceptoris confirmatum fuerit. Pudet dissentire (ait Quintilianus) Quasi vero discipulus iste noster in eloquentia studiis exercitus ad oratorem audiendum iudex rhetorica ignarus non peritus obseruator accesserit, & Colotes Teius cum Thimantis tabulam spectaret (qua pictor hic viderat cum immolanda Iphigenia, tristis Calchas esset, mestior Ulysses, mōreret Menelaus, obuoluendum caput Agamemnonis esse, quoniam summū illum luctum penicillo non posset imitari) tum, inquam, in hac tam miserabili & lamentabili pictura Colotes lachrymis oculos complevit, non in omnes artificij rationes animum potius intenderit. Alia docti contemplatoris & sapientis obseruatoris persona est, alia improudi, nec artem animaduertentis auditoris. Quamobrem primum fuerit eloquentia discipulus, auditor & disertorum magistrorum & eloquentium oratorum: deinde lector: & Ut in audiendo, sic in legendo obseruabit omnes artis sue laudes in tropis & figuris. Hoc Quintilianus non monet. In commemorandis autem rhetoribus quos eloquentia & discipulo legēdos putat, relabitur ad errorem primi & secundi libri, poetas primum, deinde historicos, oratores tandem proponit, atque ita nobis analysin describit. Deinceps accedit ad genesis secundam exercitationis partē, ut imitando vel per nos ipsos aliquid

conando scribamus & dicamus. Secundo igitur capite laudat Quintilianus imitationem, nec tamen satis esse imitationem putat: sed conādum aliquid supra eos, quos imitamur: in quo libenter assentior, nisi quod non imitabilem inuentionem existimat, in hoc enim grauiter errat. Ex omnibus enim dialectica & rhetorica partibus nullam ut Quintilianus. facilius est imitari, quam inuentionem, quia nullum est argumenti genus non notatum & descriptum: nullius forma est argumenti, cuius simile nullum posbit in alia causa reperiri. Duo (ait) imitationi esse proposita, quos imitemur, quid imitemur: hoc etiā concedo. Multa miscet hic de decoro inepte: de hoc enim nihil adhuc praecepit, nec in rhetorica elocutionis vel actionis praecepis quicquā est tradendum. Hoc enim si cuiusquam artis est, dialectica prudentia est magno usu rerū confirmata, non rhetorica. Plures imitandos, non unum Quintilianus existimat, id etiam libenter accipio, & potius multorum virtutes, quam vel unus etiā virtus consecuemur, modo tamen in optimis quibusque confirmatus prius fueris. Tertio capite praecepit Quintilianus scriptio, quam diligenter, & quam plurimum scribendum esse, ut bene potius quam citè scribatur, tandem vero celeritas usus & consuetudine coparetur. Quod ex parte quidem, non totum verum est. Volo enim ut Cicero, ut Quintilianus etiā libri secundi capite quarto vult, se efferat in adolescente fecunditas, ut sit quod amputari possit. Non enim potest in eo succus esse diuturnus, quod nimis celeriter maturitate est affectum. Quantquam reprehendit Quintilianus ipse deinde in scri-

bendo nimiam & diligentiam & negligentiam. Res-
liquum caput de loco, de caris, Vbi scribatur, sicuti ca-
put proximum de emendatione nihil admodum præ-
cepto vlo dignum habet. Quinto capite tractatur ferè
idem argumentum, quod scriptio conuertendis in ser-
monem Latinum Gracis commode adhibetur. Quæ sa-
nè exercitatio rudi & nouitio eloquentia Latine di-
scipulo non conuenit, qui verborū copiam nondum pa-
ravit, vt ea Greacam eloquentiam Latine reddat. Pro-
bat etiam Quintilianus eandem ex Latinis conuersio-
nem, presertim de carminibus, quia res una dici plu-
ribus modis poscit.

Ciceron à Quid utilia-
no bene re- prehensus. In quo etsi merito à Cicerone dissen-
tit Quintilianus (Cicero enim hanc exercitationem in
secundo de oratore, arguento levissimo tollit) atta-
men hæc exercitatio non nisi confirmato iam & corro-
borato stylo prodesse poterit, & in eodem vicio cum su-
periore fuerit. Reliqua de thesi & declamationibus
similia sunt, qualia sunt toto capite septimo, quod
extemporalis dicendi facultas paretur arte, exercita-
tione, nihil habent noui præcepti, sed inanem loqua-
titatem propriam Quintiliani. Quamobrem de ex-
citione libro decimo ita præcipitur, vt de artis ip-
sius partibus est præceptum, nihil perficue definitum,
nihil acutè partitum, nihil ad Verum vsum con-
gruenter expositum est, nullum denique dialecticum
vel consilium vel iudicium est adhibitum.

*De decoro ex undeci-
mo libro.* Undecimo libro de decoro, memoria, pronuntiatione
præcipitur, & in singulis rebus capita singula con-
suntur. Primo itaque capite logiſimus sermo de apte-

dicendo consumitur, sed hoc totum decori tam proli-
xum præceptum valde in rhetorics præceptis est inde-
corum. Videlicet enim quid deceat omnino omnibus in
rebus, si qua possit ars proprie explicare, dialectica cer-
te fuerit, que leges omniū rerum cōmunes, & maxime
generales ostendit in argumēto, syllogismo, methodo,
quid conueniat in omni re atque causa, quid vere de-
ceat, quid non deceat. Attamen quanū id generatim *brevi m*
in dialectica præcipitur, id etiam priuatim & singu- *ligrāphie ar*
latim ex aliis artibus singulis intelligitur. Decorum in *8 unde pe*
sermonis puritate et elegantia ex grāmatice, in elocu-
tione et actione ex rhetorica, in numerorum suppata-
tione et magnitudinū diuisione in concentibus & so-
nis, in astrorū motibus ex arithmeticā, geometriā, mu-
*sicā, astrologiā: in stirpibus & plantis atque animali-*b*
bus ex physica: in virtutibus & moribus ex ethica phi-
losophia: in edificiis, in agris ex architectura & agri-
cultura: in omnibus & dictis & factis, in omnibus re-
rum quotidianarū & nulla arte comprehēsarum con-
siliis ex humana earum rerum prudentia: denique in
omnibus rebus quid decorum sit, cognitio ipsa atque
scientia & v̄sus declarabit. Nec tamen separatum de
decoro & distinctum ullum præceptum erit, quia dec-
orum ipsum conueniens ea perfectio est, quam artes
suis præceptis, quam ipsa humanitatis ratio & sa-
pientia demonstrat. In rebus vero nulla artes singu-
lari comprehensis, communes ingenij & naturæ dotes,
quas dialectica interpretatur, excitanda & adhi-
benda erunt: v̄sus item, mores, exempla admonebunt.*

De memo-
ria.

Quare quod tam latè pateat, ridiculum sane est rhetori-
ca & veluti proprium subjicere. Secundo capite Quintili-
anus accumulat Græcorū omnes ineptias de locis &
imaginibus ad memoriam conformandum: quas ipsas
meritò deridet, & suas nugas Carneadē, Metrodorum,
simonidem earum inuictores habere iubet, simpliciora
& meliora putat esse diuisionem & compositionē cun-
labore & exercitatione coniunctam: quod sane maxi-
mè in Quintiliano laudo & probo: ac si diuisionis ar-
tem & ordinis proponeret, multò magis etiam lauda-
rem & probarem: tum enim memoria artem nobis ex-
plicaret. Ars memoriae (ait) tota posita est in diuisione
& compositione. Queramus igitur quæ sit ars ordinis,
quæ sit ars, quæ res diuidat & componat, tum memoriae
artem inueniemus. Est autem in dialekticis syllogismi
& methodi præceptis tota hæc ordinis doctrina dili-
genter in nostris institutionibus exposita. Vera igitur
illuc memoriae ars & dialektica propria omnino est.
Itaque Quintilianus in isto capite res alienas quidem,
& plerunque etiam ridiculas tradit, sed tamen vero
propiores, quam adhuc permultas tradidit. Cuiusmodi
caput de pronuntiatione multis quidem præceptis uti-
libus refertum, sed totidem nugis oneratum, ut ineptiae
facile necessarias institutiones superet. Vana siquidem
curiositas est in tam multis & vocis & gestus sectioni-
bus, cum tota illa tot versuum millibus accumulata do-
ctrina paucis verbis perspicue tradi posset. De duodeci-
mo libro prima illa initio à nobis disputata sunt, quod
orator sit vir bonus, quod philosophus, iureconsultus;

De pronun-
tiatione.

historicus: proxima autem quæ primum sint agende
causa, & quid in his & sc̄. cipiēdis, & descendis, &
agendis sit obseruandum: itēque postquam à foro dis-
cesseris, quibus rebus otium sit oblectandum, non unius
artis rhetoricae decreta, sed eius aduocati (quem nunc
vulgo dicimus) studia quedam demonstrant. Et lon-
giſimum caput de generibus dicendi, rhetoricae elocu-
tionis proprium nil habet. nec enim distinctio gra-
uitatis, humilitatis, mediocritatis in oratione sumitur
ex verbis tantum, sed ex rebus ipsis. Ut hæc partitio
sit communis inuentionis cum elocutione. Quamobrem
si lubet quinque postremorum librorum subductis re-
bus omnibus considerare, quæ descriptio doctrinæ fue-
rit, ut non liceat idem dicere, quod de superioribus in-
uentionis & dispositionis libris ante dictum est, &
artem & artis usum penitus à Quintiliano conturba-
ri: certè verè confirmari poterit multis & inanibus
præceptis artem rhetorican in elocutione & actione
onerari, & longè maiorem inanis ostentationis &
pompæ speciem iactari, quam vera & solidæ doctrine
rationem demonstrari.

b.i.

CAROLO LOTHARINGO
Rhemorum Archiepiscopo Mecenati suo
Petrus Ramus S.

Ad quartum Idus Octobris, quanuis nihil nobis
otiosus esse potest, Aristotelis tamen & ceterarum temporum
inire cœpimus: Vtrum? inquieres, & quare, inquam, quod
esset aptior homini desiderioso, & dum (ut ait ille)
clarum mane fenestras

Intrat, dormitanti. & ad Audomari Talæi
fratris mei matutinas vigilias dimisi. Quid & trunque
spatum (quanuis ipse minimè facio) populo tamen no-
stro conficiendum suasi, & sanè (nisi quid improbè re-
fractariolus fuerit) persuasi. Mitto ad te orationem
lam, non ut eam legas (quid enim habent hæc nuga le-
ctione tua dignum?) sed ut si quis inertem aut nescio
quid esse me apud te criminetur, quanuis ego sim, ne ta-
men fateare: quin tanquam magna defensionis instar,
ad eum scilicet impediendum, tricas istas obice. Nun-
quam (mibi crede) tantum illi erit animi, ut restans
insulæ perlegat, atque ita si molestus esse definit, mi-
rifice liber ero. Vale præsumum humanissime.

Petri Rami Oratio de
STUDIIS PHILOSOPHIAE
& eloquentia coniungendis, Lutetiae habita
Anno 1546.



Ts non ignoror, Auditores,
me noui nihil hoc tempore
vobis audiētibus esse dictu-
rum, propterea quod diuisas
comunis mihi cum Ando-
maro Talæo fratre meo pro-
fessionis partes eius oratio-
ne cognouisti, ut ille matu-
tinis horis philosophiam, nos pomeridianis eloquentiam
profiteremur: tamen in hac nouæ auditionis noua for-
ma, proponenda mihi videtur esse ratio maioris &
clarioris argumenti, quoniam que iustissima mihi
causa visa est ad cohortandum, eadem vobis amplissi-
ma videri debet ad agendum. Nam me cum medio-
cris literarum cognitio, cum meæ vitæ perpetua consue-
tudo ad hanc causam suscipiendam adhortata est. At
vero ut id studio sisimè facerem, publicoru[m] studiorum
amor, doctoris officium, ipsæ denique literæ vna mihi
vobis cum ad humanitatem propositæ coegerunt. Non
enim id nunc agimus, ut odio sa barbaries, inanæ ar-
gutie, vanæ & inutiles nuga in scholas inducantur;
sed ut optima iuuætis erudienda doctrina, in omnibus
gymnasii suscipiatur. Quæcum ita sint, à vobis
h. ij.

Auditores, hanc veniam peto, ut me de vestris studiis dicentem benignè atque attente, sicuti facitis, audiat. Repetam vero paulò altius instituti nostri originē, quo facilius omnes id quod volumus & probamus, intelligent. Fuit igitur, Auditores, apud veteres ea docenda iuuentutis ratio, ut philosophia studiis eloquentiae studia coniungerentur, earumque disciplinarum precepta disiuncte, usq; coniuncte traduceretur. si quidem vetus illa (ait Crassus) doctrina eadem fuit & recte faciendi, & bene dicendi magistra: neque disiuncti doctores, sed idem erant viuendi preceptores atque dicendi, ut ille apud Homerum Phœnix, qui se à Peleo patre Achilli iuueni comitem esse datum dicit ad bellum, ut illum efficeret oratorem verborum, actoremque rerum. Atque hinc secutir rhetores, Gorgias, Thrasymachus, Protagoras magna vniuersae Græciae fama se & sapientia, & eloquentia magistros esse profitebantur. Quorum gloria motus Aristoteles intelligendi prudentiam cum dicendi copia coniunxit: & cum antea matutinis scholis philosophiam solam doceret, pomeridianis etiam rhetoricae docere coepit, in eoque adolescentes non ad reliquorum philosophorum morem, tenuiter & aride differendi, sed ad rhetorum copiam in vtranque parte, ut ornatus & uberiorius dici posset, exercuit. Philosophos deinde graues oratores sunt imitati, qui tametsi se totos ad eloquentiae laudem compararent, philosophiam tamen a rhetoricae exercitationibus nunquam separabant. Hinc gloriatus est Cicero se oratorem non ex rhetorum offi-

cios, sed ex Academia spatiis extitisse: idemque Periclem, quod Anaxagore & Demosthenē, quod Platonis auditores fuissent, tantum reliquis ait oratoribus prestitisse. Neque vero philosophi & oratores solum veterem illam disciplinam coluerunt, sed nostri quoque reges eam nobis colendam tradiderunt. Quæ enim Athenis Academia primum fuerat, ea Roman deinde, postremò Roma Lutetiam commigravit. Qua in urbe, antequam illum priuatum, qualia hodie tam multa sunt, gymnasium esset extructū, quatuor schola in stramineo vicofundata sunt, Francorum, Picardorum, Normanorum, Germanorum: inibique distinetis horis diei & philosophus & orator audiebatur. Quod etiam hodiernis declamationibus (quas determinantas vulgus appellauit) intelligi potest. His enim perpetuis orationibus qui lauream philosophicam affectant, cùm biennium in philosophia posuerint, vigiliarum suarum rationem ex veteribus Academia legibus reddere coguntur. Superior vero etas cum veteris illius Academia formam tanquam picturā accepisset egregiam, sed euanescentem vetustate, non modo eam coloribus iisdem, quibus initio fuerat, renouare neglexit, sed vix id quidem curauit, ut saltē figuræ veteris extrema lineamenta seruaret. Professiones artium ita diuisit, ut non modo essent alij philosophia doctores, alij rhetoricae, sed auditores quoque ita separati, ut qui philosophum audiret, eloquentiae studium non modo nullum coniungeret, sed plane putaret alienum atque contrarium: nec philosophia ullum in poetis &

oratoribus sum versari crederet, sed totum in scholastica de philosophicis preceptis altercatione conclusum indicaret: Ita nobilissima & antiquissima Academia Parisiensis institutio gymnasiorum (qua trecentis abhinc annis edificari cæpta sunt) moribus nescio quomodo elanguit, ac iam pro�us interierit. Nostra vero etate Francisci Valeſii (quem honoris causa libenter, ut debo, nomino) Regis cum virtutu omnium, tum sapientiae in primis amantissimi, liberalitate recreari & excitari cœpit. Omnis enim sapientie, omniumque ingenuarum literarum doctores, honestissimis stipendiis ornatos in Academia Parisiensi constituit, eosque nobis eiusdem diei distinctis horis auscultandos & audiendos proposuit. Hac est, Auditores, (de qua dicere proposui) philosophiae & rhetorica coniunctio a primis pene hominibus instituta, a rhetoribus & philosophis accepta, retentia ab oratoribus, a nostris Regibus in hac Urbe fundata: quam si verissimis rationibus suscipiendam esse intelligemus, mores (ut sfero) nostros melioribus institutionis modesto & aequo (ut par est) animo Vinci patiemur. Quapropter ut totares facilius astimetur, primum mihi videtur de utilitate huius institutionis, deinde de voluptate, tum de dignitate esse dicendum. Utilitas autem eiusmodi est, quæ maxime nostros animos incendere atque inflammare debeat, in qua & discentium & docentium maxima & certissima bona aguntur. Nam (ut de commodis audientium primum dicam) si philosophici

studij tempora tribus annis ac sex mensibus (tot enim legibus nostris definita sunt) ita diuidantur, ut alius horis philosophia, aliis eloquentia doceatur, fructus studiorum multis partibus augeri, & labores eorum maxime minui celerrime sentiemus. Etenim ut à grammaticis puer informatus, cum ad rhetoras accesserit, prateritas grammatica vigilias non deficiat, verum sermonis elegantiam maiorem, tum propositos authores imitando, tum plurimum & assidue scribendo & dicendo sibi comparat: sic idem troporum & figurarum ornamentis à rhetoribus ornatus, cum ad dialecticos transbit, rhetorica ille ornamenta non contemnet, sed dialecticorum coniuncta prudentia, legendis poetis, cognoscenda historia, oratoribus audiendis, bonarum artium scriptoribus periuolantibus, & exercitationis gratia laudandis, interpretandis, corrigendis, vituperandis, refellendis, in contraria parts disputandis, omnibus omnium scriptiorum, meditationum, declamationum modis amplificabit. Nunc vero puer iste quid agit? multos annos in grammaticis & rhetorics retinetur, dum aliquid in eo matutum & perfectum videatur, id laudo: tum abiecta omni pure & propriè loquendi cura, damnata styli & orationis pristina diligentia, multis minis, plenunque etiam virgis, lectione poetarum & oratorum interdicta, in altercationes & clamores scholæ concicitur, ut tandem grammaticæ & rhetorica studiis longa obliuione deletis, pro puro & nitido sermone, barbarismos & sollicitos facere, pro suani &

ornata oratione, spinosum aliquod & ieunum se-
phisma latrare consuecat. At coniunctis (vt dixi)
toto triennij tempore studiis, si epistolam antea facere,
elegiam condere, rem propositam ornate pronuntiare
didicerit, non modò hæc eadem decurrēdis philosophi-
ci curriculi stadiis retinebit, sed ampliora multò ac
überiora prestabit. Hæc utilitas magna quidem per
se nobis videri debet. Auditores, quod consequentibus
studiis, antecedentium nulli fructus amittantur, sed
omnes augēatur: est tamen eò maior existimāda, quod
insignem quandam doctrinarū lucem coniunctā secum
habeat: nam cum isto modo artium fructum exquirē-
mus, si quid erit ab earū doctoribus inepte & impru-
denter cōturbatum, omnis eiusmodi error facile depre-
hendetur ac tolletur. Vfus enim coniunctus demon-
strabit quid vtile, quid solidum, quid verum sit in
præceptis: contrā, si quid erit inutile, vanum, falsum,
idem vesus manifestè declarabit. Ita fiet vt quēadmo-
dum in hortorū arboribus, sic in artium institutioni-
bus alias conseruemus, quia fructum ferant, alias am-
putemus, quia fructum non ferant. Quid? quod eadem
ratione tempora studiorum, laboreisque mirifice mi-
nuuntur? Certos gradus in disciplinis explicandis ita
distinctos temporibus habemus, vt primo tēpore gram-
matica, secundo rhetorica, tertio philosophia perdisca-
tur. Sit igitur puer decimo aut duodecimo etatis anno
à grammaticis sic eruditus, vt Latinè loqui, vt versi-
culos fingere, vt sermonem familiarem in epistola ex-
arare non inepte posset, is Academie nostræ moribus,

in rhetorici annos duos, sepe etiam plures exercetur.
Hoc secundum tempus est: tum demū decimo & quin-
to circiter anno, tertio quippe tempore, ad philosophos
superioribus studiis omnibus omīssis, (vt cognita prius
videlicet obliuiscatur ac dediscat) deduci solet. Verūm
partitis, vt dixi, philosophia perdiscedet temporibus,
vt pars altera mansuetoribus literis impendatur, in-
termedio illo tempore, quo rhetoribus discipulus iste
traditur, eodem philosophis opportune & commodè
comittetur. Ita cùm uno & eodem tempore & intelli-
gendi & ornandi præceptis insituetur, nullum pre-
teritum tempus amittet, sed intermedio postremū an-
teuertet, & iuuenis admodum eò perueniet, quò vix
senex, ac ne vix quidem vñquam fortasse peruenisset.
Quod equidem, Auditores, vehementer animaduer-
tendum esse nobis arbitror: laborarunt enim superiori-
bus annis Academæ nostræ moderatores ac principes,
vt de constituto illo ac dimensio trium annorum sexag-
mensum curriculo annus unus detraheretur, propter
molestam laborum longinquitatē, qua iuuentus debi-
litari, & à philosophia frequenter auocari dicebatur:
decreta sunt publicis & consiliis & pecuniis legatio-
nes, quæ id à Christianissimo rege impetrarent. Quam
voluntatem (si publicæ, non priuatæ rei causa indu-
cta est) equidem laudare debeo. Sed per Deum immor-
talem, quid ab optimo, & longè post creatos reges hu-
manissimo rege postulamus, quod non eius erga nos
pietate prius affectuti sumus, quam optare potuerimus?
Nouerat enim antiquum illum (de quo initio dixi) iu-

uentutis informande morem, quem cum summa non solum gloria sua, sed etiā felicitate nostra reuocauit, prudentissimo simul exemplo quemadmodum iuuentutem in gymnasii erudiremus, quāq; ratione graues, de quibus conquerimur, laborum molestias evitaremus, admonuit: & ad subleuandum diuturnitatis tedium, non unum de tribus annum, quod nostris legationibus petebatur, sed totum triennium, si verē de diuinis eius erga nos meritis estimare volumus, condonauit. Principis igitur nostri tam singulare consilium de literis cum sapientia copulandis intueamur, admireremur, imitemur: & compendia temporum tam vehementer optata, tanto præsertim duce cōmonstrata ingrediamur. O popularē verēque regiam sapientiam! ô regem non solum Francorum regno, sed omnium gentium imperio dignissimum!

Dytibi- (Regius enim gratius te regē lubet affari)
 - si qua pios respectant numina, siquid
 v̄sq̄am iustitia est, & mens sibi conscientia recti,
 Præmia digna ferant. Quæ te tam lata tulerunt
 Sæcula? qui tanti talem genuere parentes?
 In freta dum fluuij current, dum montibus umbrae
 Lustrabunt, convexa palus dum sydera pascet,
 Semper honos, nomēnq; tuum, laudēs q; manebunt.
 At fori assē dicit aliquis, ista quidem orationis &
 cognitionis coniunctione, præclarè & studiis & artibus
 & temporibus consulitur, at nobis nihil consulitur. Si
 quis igitur eiusmodi (qualem esse neminem existimo)
 tam abiectus ac fōrdidus erit, qui nullam utilitatem

estimet, nisi qua marsupio & crumena concludatur, excitet ipse se, & quæ dicā attentus audiat. Quid igitur in quo vtilitatis & emolumenti spem reponemus? an cūm maximus in auditoriis nostris audiētium numerus fuerit? At bone Deus, quid tam idoneum, tam opportunum ad scholas omnes complendum fingi vel excoigitari potuit? tanta, mihi credite, regia illa consuetudine in scholas admissa, cognoscēdi & audiendi cupiditas exorietur, vt non modò gymnasia, sed ne Academia quidem tam multis, tamque crebris edificiis multitudinem capere posse videatur. Nullus erit vir ingenuus ac nobilis, nullus senator, nullus mercator, nullus agricola, nullus cuiusquam fortunæ qui non cupiat liberos suos isto modo institui: nemo tam parsus, tam tenax, tam auarus pater erit, qui non percupide cuiusvis mercedis pretio tam pretiosum doctrinæ patrimonium liberis suis relinquat. Quamobrem videte num talēm institutionē amplecti, ac omni studio fouere debeamus, ex qua maximus iuuentuti fructus, maxima disciplinis illustratio, maximum temporibus solatium, maxima præceptoribus emolumenta comparantur. At quoniam de vtilitate dixi, nunc de voluptate pauca dicam: potest enim sic existimari, hanc institutionē esse tam vtilem, vt optanda sit: sic esse difficilem, vt pertimescenda sit. Vtinam, Auditores, perinde verbis explicare possum quod sentiam: neminem profectō tam durum, tamque agrestem esse arbitror, quem voluptatis futurae cogitatio & commemoratione non summa voluptate afficiat. Quid enim est, in quo

exultare animis, letitia efferi, triumphare denique soleamus? Nempe cū iis rebus, quas amauimus, quas optauimus, perfuiumur. Discipuli nostri ē longinquis plerunque terris ad nos deducuntur: quo porro desiderio incensi? quo amore inflammati? doctrinæ. Quanto igitur in omni doctrina maiores progressiones fecerint, tanto pleniores voluptates percipient. Atque ut antea molestissimis spinis debilitati, inanibus clamoribus fracti, perpetua rerum obscuritate deterriti, amorem philosophie deponebant: ita nunc suauissimis rebus illecti, liberalibus exercitationibus confirmati, clarissima luce inuitati, cū omnibus modis se & doctiores & disertiores quotidie fieri sentient, incredibili voluntate omnes vigilias tolerabunt, non sibi negotium exhiberi, sed otium condonari: non laborem imperari, sed delectationem comparari iudicabunt. Neque vero magistri in tanta discipulorum letitia lugebunt, sed ut boni agricola, cū segetes quas ipsi seuerint, letas ac luxuriantes aspiciunt, magno gaudio affecti superis gratias agunt: sic liberalis animi preceptores immortaliter uberrimo ingeniorum, sua diligētia velut excultorum & satorum, prouentu gaudebunt: & qui prius duobus aut tribus discipulis, velut in nido pullis excludendis, frigescabant, & cū se frequentis & celebris auditory doctores, & quidē cū fortuna (quam discentium liberalitas adferet) tum sapientia (quam syncerior sus efficit), pulchros & beatos intelligent, quibus modis gestient? Antea de dialectica duris admodum & iniucundis preceptiunculis sese obtun-


debant, nunc eius amēnissimum in omnibus dictis & factis maximis & minimis usum intelligent. Legebant antea pictos hominū mores in philosophorum libris, quid esset fortitudo, quid temeritas, quid liberalitas, quid effusio: nunc in poetis, in oratoribus, in historicis, eodem mores, sed veris & viuis exemplis impressos perspicient. Antea quid essent venti, quid pluiae, quid tempestates, quæ cause rerum & ortus & interitus efficerent, inquirebant: nunc eorum generum efficientiam in Virgilio, in Homero, in reliquis bonis authoribus suavitate magna recognoscunt: quinetiam cum philosophia de vita & moribus, Horatij licebit, & Ciceronis morales libres coniungant, cum physicis Lucretium, & multis in locis Ouidiu & Virgilium: nec in illa philosophiae parte oblectandi otij materies inquam diligentibus & attentis doctoribus deesse poterit. Immortales, ita me Deus amet, esse cupient, ut ista conditione perpetuo doceant. Tertius & Ultimus locus restat de dignitate: sati enim multa verba mihi fecisse videor, quamobrem esset hæc institutio variis commodis necessaria, & multis oblectationibus periucunda: nunc quis honor, quæ gloria possit hinc expectari, dicendum est. Magnū opus & arduum, Auditores, & multorum inuidiae, calumniisque obiectum, sed ingrediētibus aliud statuēdum fuit, quod sequeremur: nunc quidem iam quocunque seremur, danda nimirum vela sunt. At quoniam res eiusmodi est, quæ non facile verbis explicari possit, veterem aliquem huīs Academiæ doctore centum abhinc annos

Vita functum cogitatione, si placet (quoniam mentes nostra liberae sunt, & ea quae volunt, intuentur) excitemus. Quid ille? si temporum suorum memoriam cum his temporibus comparabit, non quae futura esse predico, sed quae iam in Gallia, Germania, Italia, Britania, coniunctis cum rerum scientia literis effluerent, nonne stupefactus & attonitus hæredit? Neminem nisi barbaræ & inepitè loquentे audierat: audiet omnis etatis innumerabiles Latinè & ornate scribentes & dicentes: de Gracis literis vulgatum illud frequenter audierat, Gracum est, non legitur: audiet non qui Græcè legant expeditissime, quoties opus erit, sed qui totam eam linguā summa cum laude explicent. Quid reliquarum artium præteritas tenebras cum præsente luce ac splendore conferam? Audierat in grammaticis, poetis, oratoribus, Alexandros de Villa Dei, Facetus, Gracismos: in philosophia, Scotos & Hispanos: in medicina, Arabas: in theologia, nescio unde ortos: audiet Terentium, Casarem, Virgilium, Ciceronem, Aristotelem, Platonem, Galenum, Hippocratem, Mosen & Prophetas, Apostolos, ac reliquos Euangely veros germanosque nuntios, & quidem omnibus linguis loquentes. Quæ non aliter admirabitur, quam si de mediis terra visceribus nuper exortus, sole, lunam, ac reliqua sydera sublati in calum oculis, drepente sufficeret. Sentio, Auditores, ficta cogitatione vos esse commotos, qua veteris disciplinæ reuiniscens adumbros dūrataxat honores attigimus: quid si veri cernerentur? quantos amores, quantas admirationes exci-

tarent sui? Nam quicquid est adhuc effectum, id tantum est, ut illi magnifici & illustres literarum principes ex monumentis suis agnoscerentur, & eorum virtutes legerentur & amarentur. At neminem adhuc illorum similem videmus. Quamobrem? an Deus ille parens ingeniorum & artifex, excellentibus ingenii procreandis desatigatus est? ego vero id existimare magna impietatis scelus esse duco. Quid ergo? institutio & educatio legitima nobis deest, sit idem ingeniorum cultus, qui quondam fuerat, non similes antiquis flores nos visuros speremus, sed pares fructus consecuturos confidamus. Existunt alij in grammaticis Aristarchi ac Varrones: alij in poetis Homeri ac Marones: alij in oratoribus Crassi & Cicerones: alij in philosophis Theophrasti & Platones: alij in medicis (qui iam propemodum sunt) AEsculapij & Apollines: in theologia Basilij, Chrysostomi, Cypriani, Hieronymi: alij denique in omnibus humanitatis ac doctrinæ partibus excellentes viri ac præstantes, quorum opera ac virtute inuentutem informari, Rempub. gubernari, hominum salutem retineri, veram religionem demonstrari, non solum est omnibus votis optandum, sed omnium gentium linguis prædicabile & gloriandum. O florentem Academiam Parisensem, si tam insignia dignitatis ornamenta consequatur. Consequetur autem, si cu[m] philosophie studiis eloquentiam coniunxerit. Una enim haec coniunctio summos omnes & oratores, & philosophos, & medicos, & theologos dedit: contraria vero disiunctio omnes literarum pestes peperit & aluit.

Quamobrem, Auditores, talis cùm institutio sit ab heroicis iam olim temporibus constituta, à rhetoribus philosophis, oratoribus celebrata, à nostris regibus in hanc Academiam maximis dotibus & olim euocata, & nunc demum renovata, cùmque bonorum omnium generibus, eximia commoditate, singulari voluptate, admirabili dignitate prædita sit, ne tam immanes, támque impie erga nos metipso ingratis simus, vt tam caeleste, támque diuinum bonum nobis diutius inuidemus: sed potius a Deo Opt. Max. communibus animis precemur, vt reges, vt regum familiares, vt omnium Rerum publicarum, ac nostræ imprimis principes ad hanc generis humanæ fælicitatem tuendum & amplificandum, quotidie magis ac magis velit incitare.

F I N I S.



R VI

606^a